

University of Toronto
Library
C765/b
ASIAN COLLECTION



古今歷代標題註釋十九史略通攷卷之二

前進士廬陵曾先之編次

松塢門人鄱陽竹窩余進宗海通攷

秦

秦始皇帝名政始生于邯鄲昭襄王時孝文王

柱為太子有庶子楚為質於趙困不得志陽翟

大賈呂不韋適趙見之曰此奇貨可居因以財

結之乃適秦因太子妃華陽夫人姊以說妃立

楚為適嗣不韋因納邯鄲羨姬有娠而獻于楚

生政實呂氏質音至翟宅狄二音賈音古華去聲說音稅下並同適嫡同○陽翟

縣名屬鈞州賈商也奇貨喻庶子楚居
蓄積也言可居積以圖他日富貴矣孝文王

立三日而薨楚立是為莊襄王四年薨政生十

三歲矣遂立為王母為太后不韋在莊襄王時

已為秦相國至是封文信侯太后復與不韋通

王既長不韋事覺自殺太后廢處別宮茅焦諫

母子乃復如初

長慶皆上聲○通謂私通也覺發露也

胡氏曰孝文莊襄二王之死皆不韋之所為

也

秦宗室大臣議曰諸侯人來仕者皆為其主游

說耳請一切逐之於是大索逐客

為去聲索音色搜也

客

卿李斯上書曰昔穆公取由余於戎得百里奚
於宛迎蹇叔於宋求丕豹公孫支於晉并國二
十遂霸西戎孝公用商鞅之法諸侯親服至今
治強惠王用張儀之計散六國從使之事秦昭
王得范雎強公室此四君者皆以客之功客何
負於秦哉治去聲從音宗○由余之先春秋晉人也止八戎耳蹇叔岐州人遊於宋
百里奚薦之也丕豹自晉奔秦泰山不讓土壤
公孫支亦岐州人時遊於晉故大河海不擇細流故深今乃棄黔首以資敵
國卻賓客以業諸侯所謂藉寇兵而齎盜糧者
也黔音柑齊客疽二音○泰山在兖州黔首黑髮之民秦謂民為黔首也言民者國之本棄

之則衆乖離而適為敵國之助也賢者國之輔
郤之則國空虛而反為諸侯之利也籍借同謂
以兵借寇也齎送也言為盜齎糧也王乃召李斯復其官除逐客

令斯楚人嘗學於荀卿秦卒用其謀并天下音復

伏還也有韓非者善刑名為韓使秦因上書說

秦滅韓王悅之斯疾而間之遂下吏斯遺之藥

令自殺為使間遺皆去聲令平聲

司馬公曰君子親其親以及人之親愛其國

以及人之國非為秦謀而首欲覆其宗國罪

固不容於死矣焉足愍哉

十七年內史勝滅韓十九年王翦滅趙二十二

年王賁滅魏二十四年王翦滅楚二十五年王

賁滅燕二十六年王賁滅齊賁音奔王翦子也秦王初

并天下自以德兼三皇功過五帝更號曰皇帝

命為制令為詔自稱曰朕定為水德以十月為

歲首過音戈更平聲令去聲○除拜遣官曰命改命為制者取斷制之義也布告中外曰

令改令為詔者取詔告之義也朕者我也古者上下通稱至是惟天子得稱焉通鑑始皇既并

天下乃采用鄒衍五德之說以為周得火德秦代周後所不勝為水德始改年朝賀皆自十月

朔

胡氏曰古之聖人應時稱號非帝貶於皇王

貶於帝也後世不知此義遂以皇帝自居而

以王封其臣子失之甚矣王之為名繼天撫
世之謂曾是而可使臣子稱之乎孔子作春
秋尊周立號係王於天其禮隆矣有天下者
必法孔子稱天王其列爵自公以降則名正
言順百世以俟而不惑矣

制曰死以行為謚則是子議父臣議君甚無謂
自今以來除謚法朕為始皇帝後世以計數二
世三世至于萬世傳之無窮

行去聲數上聲○
考行易名曰謚周

公之所作也無謂
猶言無足道也

胡氏曰子議父臣議君而非其禮罪不容誅

矣考德行之實而以天誅之臣子亦安得而私之哉然後世謚法雖存而公道不暢為臣子者徃徃加美謚於君親使死受所不當取世訕笑則又不若不謚之為愈也

愚按始皇更改古制大虐無道宜其畏天下議已而除謚法也其為子孫計則欲萬世無窮然其傳止於二世而亡者何哉梁氏所謂治天下而法先聖猶飢之必食不可一日廢今也絕先聖之道而欲以長繼是猶卻食而求生也豈不難哉斯言得之矣

收天下兵聚咸陽銷以為鍾鐻金人十二重各

千石

鐻音巨○兵戈戟之屬鐻者附也百二十斤為石

○徙天下豪富

於咸陽十二萬戶○丞相王綰等言燕齊荆地

遠不置王無以鎮之請立諸子始皇下其議

卿講議其事

廷尉李斯曰周武王所封子弟同姓甚

衆後屬䟽遠相攻擊如仇讎今海內賴陛下神

靈一統皆為郡縣諸子功臣以公賦稅賞賜之

亡足易制天下無異意則安寧之術也置諸侯

不便

屬音蜀易音異○廷尉獄官也陛下侍臣先

與之言蓋因建尊之義也

下閭下足下之類亦倣此始皇曰天下初定

又復立國是樹兵也而求其寧息豈不難哉廷

尉議是

復扶又反樹植也

分天下為三十六郡置守尉

監

守謂郡守尉謂丞尉監謂御史也

○二十八年始皇東行郡

縣上鄒澤山立石頌功業上泰山立石而封祠

祀既下風雨暴至休樹下封其松為五大夫禪

于梁父遂東遊海上

澤音亦禪音善父音甫○鄒澤山在兗州鄒縣南築

土曰封除地曰禪休息也五大夫秦官名或曰封五株松為大夫也梁父泰山下小山也在兗

州泗水縣北

方士齊人徐市等上書請與童男童女

入海求蓬萊方丈瀛洲三神山仙人及不死藥

如其言遣徐市等行

瀛音盈○方士方外之類今道士流也

始皇

浮海至湘山大風幾不能渡問博士曰湘君何

神對曰堯女舜妻始皇大怒伐其樹赭其山遂

自南郡而還

幾音笄赭音者○湘山在益陽洞庭之間湘君廟在焉湘君娥皇女

英也赭赤也言盡戈其樹而其山赭然也

○韓人張良以五世相韓

韓亡欲為報仇始皇東行至博浪沙中良令力

士操鐵椎擊始皇誤中副車始皇驚求不得令

天下大索

為去聲令平聲椎音挺中令皆去聲萬氏曰良之祖開地相韓昭侯宣

惠王襄王父平相釐王桓惠王凡五世也博浪沙在今河南陽武縣

○三十一年

更臘為嘉平

庚更音

○三十二年始皇巡北邊方

士盧生八海還奏錄圖書曰亡秦者胡也始皇

乃遣蒙恬發兵二十萬人北伐匈奴等長城起

臨洮至遼東延袤萬餘里威振匈奴

洮音洮○錄

圖書識緯之書也胡謂始皇子胡亥而始皇不悟以為胡虜也臨洮府名屬鞏昌遼東郡名屬

遼陽

○三十四年丞相李斯上書曰異時諸侯並

爭厚招游學今天下已定法令出一百姓當家

則力農工士則學習法令今諸生不師今而學

古以非當世惑亂黔首聞令下則各以其學議

之入則心非出則巷議率羣下以造謗臣請史

官非秦記皆燒之非博士官所職天下有藏詩

書百家語者皆詣守尉雜燒之有偶語詩書者

棄市以古非今者族所不去者醫藥卜筮種樹

之書若有欲學法令以吏為師制曰可

去上聲筮音是

○史官國史院官也偶對也棄市禮曰刑人於市與衆棄之是也族謂夷其宗族也去除也龜

曰筮

著

○三十五年侯生盧生相與譏議始皇

因亡去始皇大怒曰盧生等吾尊賜之甚厚今

乃誹謗我諸生在咸陽者吾使人廉問或為妖

言以亂黔首於是使御史悉按問諸生傳相告

引乃自除犯禁者四百六十餘人皆坑之咸陽

誹音斐傳去聲○廉問察訪也長子扶蘇諫曰諸

也傳遽也告引告訴索引也生皆誦法孔子今上皆重法繩之臣恐天下不

安始皇怒使扶蘇北監蒙恬軍於上郡長上聲

曰繩上郡屬陝西今綏德州

廬陵劉氏曰秦所以立以立少子胡亥也胡亥所以得立以長子扶蘇在外也扶蘇所以在外以諫坑儒也然則秦亡之禍自坑儒始天道亦昭昭哉

始皇以為咸陽人多先王宮庭小乃營作朝宮

於渭南上林苑中

朝平聲

先作前殿阿房

房如字或音旁

東西五百步南北五十丈上可坐萬人下可建

五丈旗周馳為閣道

閣道謂四畔棧木為道可周回馳驅也

自殿

下直抵南山表南山之顛以為闕

抵至也南山在華陰山頂

曰顛闕也

為復道自阿房渡渭屬之咸陽以象天

極閣道絕漢抵營室也

復音福屬音竹○上下有道曰復道屬連也閣

道營室皆星名漢天河也天官書曰天極紫宮後十七星橫絕天漢至營室曰閣道是也阿

房宮未成欲更擇令名天下謂之阿房宮

善令

也更音庚

○始皇為人天性剛戾自用天下事無大

小皆決於上至以衡石量書日夜有程不得休

息貪於權勢至如此

自用者執已見也衡石稱量石秤錘也言以衡石稱量

書計日夜處決自有程限也

○秦有出佚者還遇人持璧授

之曰為我遺瀉池君明年祖龍死

使為遺皆去聲瀉音浩○

滿池在咸陽君其神也素隱曰江神以璧遺滿池之神告始皇將死蓋秦以水德王其君將止故水神先自相告也蘇林曰○三十七年始皇祖始也龍君象也以喻始皇

出遊丞相李斯少子胡亥宦者趙高從始皇崩

於沙丘平臺秘不諱喪詐為受詔立胡亥賜扶

蘇死載始皇輜輶車中以一石鮑魚亂其臭至

咸陽始諱喪胡亥即位是為二世皇帝少從皆去聲輜

音溫輶音涼○秘隱密也文穎曰車上有窓開之則溫開之則涼故曰輜輶車也鮑殭也

二世皇帝名胡亥元年東行郡縣謂趙高曰吾

欲悉耳目之所欲窮心志之所樂以終吾年高

曰陛下嚴法刻刑盡除故臣更置所親信則高

枕肆志矣二世然之更為法律務益刻深公子

大臣多僂死

樂音洛更音庚○悉盡窮極也肆放縱也

○陽城人陳

勝字涉少與人傭耕輟耕之隴上悵然久之曰

苟富貴無相忘傭者笑曰若為傭耕何富貴也

勝太息曰嗟乎燕雀安知鴻鵠之志哉

少為皆去聲○

陽城縣名屬澤州賃力取直曰傭輟止也之往也隴田間高坂也若汝也

至是與吳

廣起兵于蘄時發間左成漁陽勝廣為屯長

音蘄

其長上聲○

蘄縣名屬宿州秦民富強居間方貧弱居間左時徭後煩多富民役盡故後貧民

也戌者屯兵以守也漁陽郡名屬北平今薊州是也屯長屯營之長也

會大雨道

不通乃召徒屬曰公等失期法當斬壯士不死

則已死則舉大名王侯將相寧有種乎衆皆從

之乃詐稱公子扶蘇項燕稱大楚勝自立為將

軍廣為都尉種上聲○焦氏曰扶蘇無罪而二世殺之百姓未知其死項燕楚之

良將或以為存或以為亡故詐稱二人以為天下倡也大梁張耳陳餘詣

軍門上謁勝大喜自立為王號張楚郡縣苦秦

法爭殺長吏以應之長上聲應去聲下並同○欲張大楚國故號張楚長

吏郡守縣令也謁者從東方來以反者聞二世怒下之

吏後使者至上問之對曰羣盜鼠竊狗偷不足

憂也上悅使去聲○謁者掌通奏之官也○陳勝以所善陳人

武臣為將軍耳餘為校尉使徇趙地至趙武臣

自立為趙王巡師宣○沛人劉邦起兵於沛父

老爭殺令迎立為沛公沛邑掾主吏蕭何曹參

為收沛子弟得三千人掾音院為去聲○沛郡名屬河南今徐州是也

漢書參為掾吏何為主吏○項梁者楚將項燕之子也嘗殺

人與兄子籍避仇吳中籍字羽少時學書不成

去學劍又不成梁怒籍曰書足以記姓名而已

劍一人敵不足學學萬人敵梁乃教籍兵法會

稽守殷通欲起兵應陳涉使梁為將梁使籍斬

通佩其印綬遂舉吳中兵得八千人籍為裨將

時年二十四少去聲會稽音檜并郡名屬浙東今紹興府是也裨音皮副也○

齊人田儋自立為齊王儋音耽故齊王侯也○趙王武臣

使將韓廣略燕地廣自立為燕王○楚將周市

定魏地迎魏公子咎立為魏王○二年吳廣為

其下所殺為去聲下並同○其謂裨將田臧也○陳勝為其御

莊賈所殺以降秦初勝既稱王故人皆往依之妻之父亦往焉勝以眾寡待

之長揖不拜妻之父怒而去勝斬之諸故人皆引去性復苛察諸將不親附以至於敗○

秦將章邯擊魏齊楚救之齊王儋魏王咎與周

市皆敗死○趙王武臣為其將李良所殺張耳

陳餘立趙歇為王耳餘收散兵得數萬人擊良良敗走乃求得歇立之居信

都○居巢人范增年七十好奇計往說項梁曰

陳勝首事不立楚後而自立其勢不長今君起

江東楚蠡起之將爭附君者以君世世楚將必

能復立楚之後也於是項梁求得楚懷王孫心

立為楚懷王以從民望好去聲說音稅下並同

無為州巢縣是○趙高與丞相李斯有隙高侍

二世方燕樂婦女居前使人告丞相斯可奏事

樂入聲斯上謁二世怒曰吾嘗多間日丞相不來

吾方燕私丞相輒來間音高曰丞相長男李由

為三川守與盜通且丞相居外權重於陛下三

郡名屬河南今二世然之下斯吏具五刑腰斬

咸陽市

五刑墨劓剕宮大辟具者盡受其罪也

斯出獄顧謂中子

曰吾欲與若復牽黃犬俱出上蔡東門逐狡兔

豈可得乎遂父子相哭而夷三族

復扶又反○若汝也上蔡

縣名屬汝寧夷也三族父母妻族也

○中丞相趙高欲專秦權

恐羣臣不聽乃先設驗持鹿獻於二世曰馬也

二世笑曰丞相誤邪指鹿為馬問左右或默或

言高陰中諸言鹿者以法後羣臣皆畏高莫敢

言其過

宦者曰中後凡言中人中官中常侍之類皆倣此驗證也考也中去聲謂暗以

他事中傷其人而坐以法也

○項梁與秦將章邯戰敗死宋

義先言其必敗梁果敗秦攻趙楚懷王以義為

上將項羽為次將救趙義驕羽斬之領其兵大

破秦兵鉅鹿下虜王離等降秦將章邯董翳司

馬欣羽為諸侯上將軍鉅鹿郡名屬河東今順德府○先是

趙高數言關東盜無能為及秦兵數敗高恐二

世怒使其婿閻樂弑二世於望夷宮立公子嬰

為秦王二世之兄子也嬰既立族殺趙高數音朔○

望夷宮在長陵西兄謂扶蘇○初楚懷王與諸將約先入定

關中者王之當時秦兵強諸將莫利先入關獨

項羽怨秦殺項梁奮願與沛公先入關懷王諸

老将皆曰項羽為人慁悍猾賊獨沛公寬大長

者可遣乃遣沛公慄匹妙反悍音汗長上聲○

疾悍勇猾○高陽人酈食其謂沛公麾下騎士慄

曰吾聞沛公慢而易人多太略此真吾所願從

游酈音力食音異其音并騎易皆去聲○高陽縣名屬沛梁麾大將旗也所以指揮士卒故

曰麾騎士蓋若見沛公謂曰臣里中有酈生年

六十餘長八尺人皆謂之狂生生自謂非狂若

也騎士曰沛公不好儒向容冠儒冠來者輒解

其冠洩溺其中未可以儒生說也好去聲容冠之冠音貫洩

音搜溺音尿沛公至高陽傳舍召生入沛公方

踞床使兩女子洗足而見生傳去聲生長揖不

拜曰足下必欲誅無道秦不宜踞見長者長上如字

下上聲於是沛公輟洗起攝衣延生上坐謝之輟止

也攝生為沛公說下陳留後常為說客主為之

名陳留縣沛公張良從沛公西先是張良聚兵百

沛公公善之常用其策至是從而西征說○沛

公大破秦軍入關至霸上秦王子嬰素車白馬

繫頸以組出降軹道旁秦自始皇二十六年併

天下二世三世而亡稱帝止十有五年組音祖

地名在長安東三十里素車白馬示有喪也係

司馬公曰孔子曰知及之仁不能守之雖得

之必失之秦之謂也善夫賈生之言曰秦以
區區之地致萬乘之權招八州而朝同列百
有餘年然後以六合為家殽函為宮一夫作
難而七廟隳身死人手為天下笑者何也仁
義不施而攻守之勢異也

招音喬舉也隳音虧

胡氏曰攻守無異勢秦以詐力得之豈有能
施仁義之理邪

西漢

漢太祖高皇帝姓劉氏名邦字季沛豐邑中陽
里人也母媼息大澤之陂夢與神遇時大雷雨

晦冥父太公往見交龍其上已而產季媼音襖女老之

稱隆準而龍顏美鬚髯左股有七十二黑子準音

拙○隆高準鼻也在順曰寬仁愛人意豁如也鬚在頰曰髯黑子痣也

有大度不事家人生業度器量也生業生產作業也及壯為

泗上亭長長上聲○秦制十里一亭單父人呂

公奇其狀貌以女妻之即呂后也單父音善甫縣名屬單州

呂公名文字叔平善相人妻去聲季為縣送徒驪山徒多道亡

自度比至盡亡之到豐西止飲夜乃解縱所送

徒曰公等皆去吾亦從此逝矣徒中壯士願從

者十餘人季被酒夜徑澤中有大蛇當徑季拔

劍斬之後人來至蛇所老嫗哭曰吾子白帝

子也今赤帝子斬之因忽不見後人告季季心

獨喜自負諸從者日益畏之為此皆去聲度音鐸嫗休據反從去

聲○時始皇焚驪山故季送徒士供役作也此及也豐西豐邑之西也嫗者老婦之稱秦居西

西屬金故曰白帝子赤火色蓋漢勝秦之兆也負恃也陳涉起季亦起兵

於沛以應諸侯旗幟皆赤幟音熾○用赤旗幟者應赤帝子之兆也

楚懷王遣沛公破秦入關降秦王子嬰既定秦

還軍霸上悉召諸縣父老豪傑謂曰父老苦秦

苛法久矣吾與諸侯約先入關中者王之吾當

王關中與父老約法三章耳殺人者死傷人及

盜抵罪餘悉除去秦苛法秦民大喜

抵當也李

有曲直盜賊有多寡罪名不可預定故止曰抵罪而已

唐氏曰不殺子嬰約法三章此理最好為得

天下之根本也項羽一切反是

廬陵劉氏曰高帝入咸陽則除秦苛法光武

至河北則除莽苛政二漢之興宜哉

項羽率諸侯兵欲西入關或說沛公守關中羽

至關開大怒攻破之進至戲期旦擊沛公

戲音希水

名出華州渭南縣而入渭時羽兵四十萬在鴻門沛公兵十

萬在霸上鴻門地名范增說羽曰沛公居山東

貪財好色今入關財物無所取婦女無所幸此其志不在小吾令人望其氣皆為龍成五采天子氣也急擊勿失

好去聲
令平聲

唐氏曰入關不取財物不幸婦女此高帝創

業規模也

羽季父項伯素善張良夜馳告之欲與俱去

叔父季良曰良為韓王送沛公有急亡不義

為去聲

入

具告因要伯入見沛公奉卮酒為壽約為婚姻曰吾入關秋毫不敢有所近籍吏民封府庫而待將軍所以守關者備他盜也願伯具言臣之

不敢倍德

要平聲與邀同見音現倍與背同

伯許諾曰旦日不

可不蚤來謝

蚤早同

伯去具以告羽且曰人有大

功而擊之不義不如因善遇之羽許諾

遇待也沛

公旦從百餘騎見羽鴻門謝曰臣與將軍戮力

而攻秦將軍戰河北臣戰河南不自意先入闕

破秦得復見將軍於此今者有小人之言令將

軍與臣有隙

騎去聲復去聲

羽曰此沛公左司馬曹無

傷之言

左司馬官名曹姓無傷名也

羽留沛公飲范增數目

羽舉所佩玉玦者三羽不應

數音朔應去聲○目羽謂動目以謂

羽也王玦如環而有缺有缺決之義增三

增出

舉

以示羽者欲羽早斷決而致沛公也

使項莊入前為壽請以劍舞因擊沛公項伯亦

拔劍起舞常以身翼蔽沛公莊不得擊項莊羽從弟也

張良出告樊噲以事急噲擁盾直入瞋目視羽

頭髮上指目皆盡裂瞋音嗔皆音恣○盾干也

破也裂也羽曰壯士賜斗卮酒一生彘肩噲立飲拔

劍切肉啗之卮酒器容四升大卮容一斗羽曰

能復飲乎復扶又反噲曰臣死且不避卮酒安足辭

沛公先入秦闕勞苦而功高如此未有封爵之

賞而將軍聽細人之說欲誅有功之人此亡秦

之續耳切為將軍不取也說如字羽曰坐噲從

良坐須臾沛公起如廁因招噲出間行趨霸上

間去聲留良謝羽曰沛公不勝杯勺不能辭使臣

奉白璧一雙再拜奉將軍足下王斗一雙奉拜

獻亞父足下勝音升杯盃同勺杓同酒器也亞次也羽尊范增次於父猶齊桓公

尊管仲為仲父也羽問沛公安在良曰聞將軍有意督

過之脫身獨去已至軍矣督過之猶言督責之也范增拔

劍撞破玉斗曰唉豎子不足與謀奪將軍天下

者必沛公也唉音哀又虛其反歎恨之辭豎子斥項羽沛公至軍立

誅曹無傷機以其泄漏軍誅之居數日羽引兵西屠咸

陽殺降王子嬰燒秦宮室火三月不絕掘始皇

塚收寶貨婦女而東秦民大失望

屠夷滅也

韓生說

羽曰關中被山帶河四塞之地肥饒可都以霸

羽見秦殘破且思東歸曰富貴不歸故鄉如衣

繡夜行耳韓生退曰人言楚人沐猴而冠果然

羽聞之烹韓生

衣去聲○集覽曰被山帶河謂關山之險阻如被河渭之環遠

如帶也四塞謂東函谷南武關西散關北蕭關也楚人謂猴曰沐猴言猴不任久者冠帶以喻

楚人之性躁急也

○羽使人致命懷王王曰如約羽怒

曰懷王吾家所立耳非有功伐何得專主約乃

陽尊為義帝徙江南都郴

郴音琛○陳氏曰羽求王關中故先致命

如約謂如先入關中者王之約也郴州名屬湖南

分天下王諸將徙魏王豹

為西魏王立章邯為雍王司馬欣為塞王董翳

為翟王申陽為河南王司馬卬為殷王徙趙王

歇為代王立張耳為常山王英布為九江王吳

芮為衡山王共敖為臨江王徙燕王廣為遼東

王立燕將臧荼為燕王徙齊王市為膠東

王立齊將田都為齊王田安為濟北王羽自

立為西楚霸王為東楚彭越為西楚吳乃曰巴

蜀亦關中地立沛公為漢王王巴蜀漢中之王巴

去聲下王漢同○陳氏曰巴郡名今順元等處

是也蜀即今四川等處是也漢中郡屬陝西今

興元府

而三分關中王秦降將三人以距塞漢

路塞音色○三人謂章邯

董翳司馬欣即三秦也漢王怒欲攻羽蕭何

諫曰願大王王漢中養其民以致賢人收用巴

蜀還定三秦天下可圖也王乃就國以何為丞

相圖謀也

陳氏曰人有恒言皆曰用賢所以養民也蕭何乃謂養民以致賢人何也曰此無所因襲而獨見之言也夫天之立君以為民也君之求臣以行保民之政也臣之事君以行安民之術也故世無養民之心則天下之賢人君子不為之用而上之所得者莫非殘民害物之人是以民心日離君勢日孤亡秦之轍可以鑒矣蕭何有見於此而高祖聞言即悟漢業之興不亦宜乎

漢元年五星聚東井

五星木火土金水也井經星界未申之間在申者為

西井在未者為東井直秦分雍州之域時五星聚於其次蓋漢興王之兆也

○初淮

陰人韓信家貧釣城下有漂母見信飢飯信信

曰吾必厚報母母怒曰大丈夫不能自食吾哀

王孫而進食豈望報乎

漂匹妙反飯上聲淮陰縣名也淮安以水擊

布曰漂王孫猶言公孫蓋尊稱之耳

淮陰屠中少年有侮信者因

衆辱之曰若雖長大好帶劔中情怯耳能死刺

我不能出我胯下信熟視之俛出胯下蒲伏一

市人皆笑信怯

少好皆去聲胯音股○屠中屠肆中也若汝也胯兩股間也蒲

伏一作匍匐

是並行之貌手項梁渡淮信從之又數以策干

項羽不用亡歸漢為治粟都尉數與蕭何語何

奇之

數八聲干求也

○漢王至南鄭將士皆謳歌思歸

多道亡信度何已數言王不用即亡去

度音鐸南鄭

郡名即漢王所都

何自追之人曰丞相何亡王怒如失

左右手何來謁

句

王罵曰若亡何也曰追韓信

王曰諸將亡以十數公無所追追信詐也何曰

諸將易得耳信國士無雙王必欲長王漢中無

所事信必欲爭天下非信無可與計事者

數如字易

音異○若汝也事信猶言用信也

王曰吾亦欲東耳安能鬱鬱

久居此乎

欲東謂欲東向取天下也鬱鬱沈結不通之意

何曰計必東

能用信信即留不然信終亡耳王曰吾為公以

為將

為公之去聲

何曰不留也王曰以為大將何曰

幸甚王素慢無禮拜大將如呼小兒此信所以

去

呼去聲

乃設壇具禮諸將皆喜人人自以為得

大將至拜乃韓信也一軍皆驚

萬二千五百人為軍

王遂

用信計部署諸將留蕭何收巴蜀租給軍糧食

引兵從故道出襲雍王章邯邯敗走死塞王司

馬欣翟王董翳皆降

雍去聲○部署謂分其部曲而署置之也故道縣名

屬武郡

○漢二年項籍弑義帝於江中○初陽武

人陳平家貧好讀書里中社平為宰分肉甚均

父老曰善陳孺子之為宰平曰嗟乎使平得宰

天下亦如此肉矣

好去聲○陽武縣名屬汴梁宰屠牲也

初事魏

王咎不用去事項羽得罪亡因魏無知求見漢

王拜為都尉參乘典護軍

乘去聲○因托典主護監也

周勃

言於王曰平雖美如冠玉其中未必有也臣聞

平居家盜其嫂事魏不容亡歸楚又不容亡歸

漢今大王令護軍受諸將金願王察之

令平聲○冠玉

謂歸冠以王則光美外見而中無所有喻平雖有才而無德也

王讓魏無知無

知曰臣所言者能也大王所問者行也今有尾

生孝已之行而無益成敗之數大王何暇用之

乎

行去聲○讓責也尾生古之信士與女子期於梁水驟至抱梁柱而死孝己殷高宗第三

子有孝行受誅而不逃

王拜平護軍中尉盡護諸將諸將

乃不敢復言○漢王至洛陽新城三老董公遮

說曰順德者昌逆德者亡兵出無名事故不成

明其為賊敵乃可服項羽無道放弑其主天下

之賊也夫仁不以勇義不以力大王宜率三軍

之衆為之素服以告諸侯而伐之

夫平聲○新城鄉名三老

官名集覽曰秦法十里一亭十亭一鄉有長老掌教化遮說遮道而說也

於是王

為義帝發喪告諸侯曰天下共立義帝今項羽

弑之寡人悉發關中兵收三河之士南浮江

漢而下顧從諸侯王擊楚之弒義帝者○為去聲

河東河南
河內也

胡氏曰天下苦秦諸侯並起名其師者曰誅
無道秦可矣今秦已滅諸侯各有分地而漢
又起兵雖曰項羽為政不平顧亦伸已私忿
耳非義兵也及董公獻言漢主大臨然後項
羽弒君之罪無所容於天地之間而天下歸
於漢王可坐而策矣故隨何陳此義而下九
江酈生陳此義而下全齊於是楚人背無所
倚右斷其臂雖欲不亡不可得矣

漢王率五諸侯兵五十六萬伐楚入彭城收其

寶貨多入置酒高會

師古曰五諸侯常山河南韓魏殷也或曰常山王張

耳此時無兵蓋陳彭也

城郡名屬河南項羽所都項羽方擊齊聞之自

以精兵三萬還擊漢大破漢軍於睢水上死者

二十萬人水為之不流圍漢王三匝會大風從

西北起折木發屋揚沙石晝晦王乃得與數十

騎遁審食其從太公呂后間行遇楚軍為楚所

獲常置軍中為質

唯音蛆為騎從間皆去聲食音異其音筭質音至

王

至滎陽諸敗軍皆會蕭何亦發關中老弱悉詣

滎陽漢軍復大振

滎陽郡名即鄭州

胡氏曰盤水可奉而志難持六馬可調而氣難制使漢王於是時兢兢業業如初破秦入關時則亦何至於敗哉今志不持而氣為師狃於小勝而逸欲生焉是以至於此耳且是行也直欲破羽之國都歟則宜亟還滎陽以主待客可也若欲致羽而與戰歟則宜分部諸將據險邀擊可也今乃淹留引日肆志寵樂而羣臣亦寂無諫者豈良平諸公不在行歟嗚呼危哉

蕭何守關中立宗廟社稷縣邑事便宜施行計

關中戶口轉漕調兵未嘗乏絕

漕曹自二言水運也調去聲

張氏曰蕭何佐漢定一代規模亦宏遠矣高帝征伐多在外何守關中營緝根本漢高所以得天下者以關中根本固故也

魏王豹叛漢王遣韓信擊之豹以栢直為大將

王曰是口尚乳臭安能當韓信信伏兵從夏陽

以木罌渡軍襲安邑虜豹信既定魏請兵三萬

人願以北舉燕趙東擊齊南絕楚糧道西與大

王會於滎陽王遣張耳與俱

罌音鶯○夏陽縣名屬河中旌大腹

小口曰罌釋文云以木罌縛罌

正以渡是也安邑縣名屬解州 ○三年韓信張

耳以兵擊趙聚兵井陘口趙王歇及成安君陳

餘禦之

陘音刑○井陘山名在威州井陘縣

李左車謂餘曰井陘

之道車不得方軌騎不得成列其勢糧食必在

後願得奇兵從間道絕其輜重足下深溝高壘

勿與戰彼前不得闔退不得還野無所掠不十

日兩將之頭可致麾下

將間皆去聲下同○方

列也奇兵太史公曰兵以正合以奇勝善之者出奇無窮奇正還相生如環之無端也餘

儒者自稱義兵不用奇計信間知之乃敢下

知間

謂間謀窺視而知其不用左車之策也

未至井陘口止夜半傳鼓

輕騎二千人人持赤幟從間道望趙軍戒曰趙

見我走必空壁逐我若疾入趙壁拔趙幟立漢

赤幟

傳鼓謂傳令起鼓也人馬不帶甲曰輕騎差汝也

乃使萬人先背

水陣平旦建大將旗鼓鼓行出井陘口趙開壁

擊之戰良久信耳佯棄旗鼓走水上軍趙果空

壁逐之水上軍皆殊死戰趙軍已失信等歸壁

見赤幟大驚遂亂遁走漢軍夾擊大破之斬餘

禽歇

鼓行聲也殊絕也

而諸將賀因問曰兵法右倍山

陵前左水澤今背水而勝何也信曰兵法不曰

陷之死地而後生置之亡地而後存乎諸將皆

服

信背

信募得李左車解縛師事之用其策遣

辯士奉書於燕燕從風而靡募音慕以財名致也靡降伏也○

隨何說九江王黥布畔楚歸漢既至漢王方踞

床洗足召布入見布悔怒欲自殺及出就舍帳

御飲食從官皆如漢王居又大喜過望見從皆去聲洗

音鮮○布姓英氏嘗坐法黥故曰黥布過望者過於己所望也

正義曰漢王以布先分為王恐其妄自尊大

故踞見令其折服已而美其帷幄厚其飲食

多其從官以悅其心亦權道也

酈食其說漢王立六國後王曰促刻印張良來

謁王方食具告良良曰請借前箸為大王籌之

遂發入難其一曰天下游士離親戚棄墳墓從

大王游者徒欲望尺寸之地今復立六國後游

士各歸事其主大王誰與取天下乎且楚惟無

強六國復撓而從之大王焉得而臣之乎誠用

客謀大事去矣王輟食吐哺罵曰豎儒幾敗乃

公事令趣銷印為難皆去聲馬平聲幾平聲趣

曰昔湯武伐桀紂封其後者度其能制死生之

命也今大王能制項籍死命乎二曰武王入殷

表商容間釋箕子囚封比干墓今大王能乎三

曰發鉅橋粟散鹿臺財以賜貧窮今大王能乎四曰殷事已畢履車為軒閭載干戈示不復用

今大王能乎五曰休馬華山之陽示無所為今

大王能乎六曰息牛桃林之野示不復輶積今

大王能乎其七其八即天下游士及楚惟無強

二段是也楚惟無強謂楚之強無與敵也燒也
也豎儒斥食其幾近也乃汝也乃公漢王自謂

○楚圍漢王於滎陽王謂陳平曰天下紛紛何

時定乎平曰項王骨鯁之臣亞父輩數人耳行

間以疑其心破楚必矣王與平黃金四萬斤不

問其出入平多縱反間羽大疑亞父請骸骨歸

疽發背死

鯁音梗間去聲○骨鯁堅強正直之意蓋謬之臣直言難受如骨之弗

咀也行間謂行反間之謀如以惡草具進楚使之類是也請骸骨謂乞骸骨歸葬也○楚

圍漢王益急將軍紀信曰事急矣請誑楚乃乘

漢王車出東門曰食盡漢王出降楚人皆之城

東觀王乃得出西門去項羽燒殺紀信

誰居况反欺給

也○漢王軍成臯羽圍之王跳去北渡河晨入

趙壁奪韓信軍令信收趙兵擊齊

跳徒周反○成臯縣名屬

河南跳去謂輕身而忽去也

○酈食其說漢王收滎陽據敖

倉粟塞成臯之險王從之

塞音色○敖倉山名秦於此築太倉故曰

敖倉○酈食其為漢王說齊王下之蒯徹說信曰

將軍擊齊而漢獨蒞間使下之寧有詔止將軍

乎酈生伏軾掉三寸舌下七十餘城將軍為將

數歲反不如一豎儒之功乎

間使皆去聲伏憑也軾式同掉杜吊

反搖也

○四年信襲破齊齊王烹食其而走○漢

與楚皆軍廣武

孟康曰於滎陽築兩城相對皆名廣武在敖倉西三皇山上

羽為高俎置太公其上告漢王曰不急下吾烹

太公

俎所以載牲置太公於其上示欲烹之也

王曰吾與若俱北面

事懷王約為兄弟吾翁即若翁必欲烹而翁幸

分我一杯羹

若而皆汝也

羽願與王挑戰王曰吾寧

聞智不聞力因數羽十罪羽大怒伏弩射王中

臂

挑徒了反數上聲射音石中去聲○二人獨較勝負曰挑戰十罪謂羽負約王我於漢罪

一矯殺卿子冠軍罪二救趙不報而擅劫諸侯

入關罪三燒秦宮室掘始皇塚私其財罪四殺

降王子嬰罪五詐坑秦子弟二十萬於新安罪

六王諸將善地而徙逐故主罪七出逐義帝自

都彭城奪韓梁地罪八使人陰殺義帝江南罪

九為政不平主約不信天下所不容大逆無道

罪十

○楚使龍且救齊龍且曰韓信易與耳寄

食於漂母無資身之策受辱於胯下無燕人之

勇進與信夾濰水而陣

且音蛆易去聲濰音維

信夜使人

囊沙壅水上流旦渡擊齊佯敗還走且追之信

使決水且軍太半不得渡急擊殺且虜齊王田

廣遂定齊地

壅音勇塞也凡數三分有二為太半

信使人言之漢

王請為假王以鎮齊王大怒罵之張良陳平躡

王足附耳語王悟復罵曰大丈夫定諸侯即為

真王耳何以假為遣印立信為齊王

復扶又反○附耳語

謂良平自相附耳而言有漢方不利寧能禁信自王之語

○項羽聞龍且死

大懼使武涉說信欲與連和三分天下信曰漢

王授我上將軍印解衣衣我推食食我言聽計用倍之不祥雖死不易蒯徹亦說信信不聽我

之衣食我之食皆云聲推平聲易如字移也

○漢立黥布為淮南王

○項王少助食盡韓信又追兵擊之羽乃與漢

約中分天下鴻溝以西為漢以東為楚歸太公

呂后解而東歸漢王亦欲西歸張良陳平曰漢

有天下太半楚兵飢疲今釋不擊此養虎自遺

患也王從之

遺去聲○滎陽下引河東南為鴻溝即今官渡水也

程子曰張良才識高遠有儒者氣象而亦以

此說漢王則其不義甚矣

陳氏曰程子謂張良此謀非義固是然項羽
既殺韓王成而張良欲報君父之仇奚暇惜
其他耳

五年王追羽至固陵韓信彭越期不至張良勸

王以楚地梁地許二人皆引兵來黥布亦會固陵

縣名即固始屬淮陽

羽至垓下兵少食盡信等乘之羽敗

入壁圍之數重羽夜聞漢軍四面皆楚歌大驚

曰漢皆已得楚乎何楚人多也下堤名在起

飲帳中命虞美人起舞悲歌慷慨泣數行下其

歌曰力拔山兮氣蓋世時不利兮騅不逝騅不

逝兮可奈何虞兮虞兮奈若何騅者羽平日所

乘駿馬也左右皆泣莫敢仰視

行音抗虞姓美人也騅音追蒼

黑雜色馬也

羽乃夜從八百餘騎潰圍南出

渡淮迷失道陷大澤中漢追及之

從騎皆去聲下同潰音會

也冲散

至東城乃有二十八騎羽謂其騎曰吾起

兵八歲七十餘戰未嘗敗也今卒因此此天亡

我非戰之罪今日固決死願為諸君決戰必潰

圍斬將令諸君知之皆如其言

為去聲下同東城縣名屬和

江州今烏

於是欲東渡烏江亭長檣船待曰江東

雖小亦足以王願急渡羽曰籍與江東子弟八

千人渡江而西今無一人還縱江東父兄憐而

王我我何面目復見獨不愧於心乎乃刎而死

長上聲檣音蟻復扶又反○烏江浦名楚地悉在東城檣附船著岸也又整船向岸也

定獨魯不下王欲屠之至城下猶聞絃誦之聲

為其守禮義之國為主死節持羽頭示之乃降

王還馳入齊王信壁奪其軍立信為楚王彭越

為梁王漢王即皇帝位楚懷王封羽為魯公魯人為之堅守故云為主

死節

太史公曰羽放弑義帝而自立怨王侯叛已

難矣自矜功伐奮其私智而不師古欲以力

征經營天下國亡身死尚不覺悟乃引天亡
我非戰之罪豈不謬哉

楊子曰漢屈羣策羣策屈羣力楚傲羣策而
自屈其力屈人者克自屈者負天曷故焉

愚按高帝兩奪韓信軍去免任術此信所以
不終臣節也

置酒洛陽南宮上曰徹侯諸將皆言吾所以得

天下者何項氏所以失天下者何

徹猶列也

高起王

陵對曰陛下使人攻城略地因而與之與天下
同其利項羽不然有功者害之賢者疑之戰勝

而不予人功得地而不與人利予與上曰公知

其一未知其二夫運籌帷幄之中決勝千里之

外吾不如子房鎮國家撫百姓給餽餉不絕糧

道吾不如蕭何連百萬之衆戰必勝攻必取吾

不如韓信此三者皆人傑也吾能用之此吾所

以取天下項羽有一范增而不能用此其所以

為我擒也羣臣悅服

夫音扶鎮音振餽求位
反餉式亮反為去聲

楊氏曰項羽無道所過殘滅民不親附范增

為之謀主曾無一言以救其敗其所計不過

欲害沛公耳嗚呼羽誠不改其轍則前日之

亡秦是也借令沛公死天下其無沛公乎然則羽雖用增亦未必有益於敗亡也

故齊王田橫與其徒五百人入海島上召之曰橫來大者王小者侯不來且舉兵誅橫與二客乘傳至洛陽尸鄉自剄以王禮葬之二客自剄從之五百人在島中者聞之皆自殺

傳朱戀反有山在

海中曰島傳郵馬也

○初季布為項羽將數窘帝羽滅帝

購求布敢匿者罪三族布乃髡鉗為奴自賣於魯朱家朱家心知其布也之洛見滕公曰季布何罪臣各為其主耳以布之賢漢求之急不止

走胡南走越耳此棄壯士資敵國也滕公言於

上乃赦布召拜郎中

數音朔髮音坤各為之為去聲○窘迫也鬢髮曰髡

以鐵束頸曰鉗滕公夏侯嬰也

布母弟丁公亦為項羽將嘗窘

帝彭城西短兵接帝急顧曰兩賢豈相厄哉丁

公乃還至是謁見帝以徇軍中曰丁公為臣不

忠使項王失天下遂斬之曰使後為人臣無效

丁公也

見音現無母通禁止辭也

司馬公曰高帝網羅豪傑招亡納叛亦已多

矣而丁公獨以不忠受戮何哉當羣雄角逐

之際民無定主來者受之固其宜也及貴為

天子苟不明禮義以示之使為臣者懷二心以徼大利則國家其能久安乎是故斷以大義使天下曉然皆知為臣不忠者無所自容而懷私結恩者雖至活已猶不與也刑一人而千萬人懼其慮事豈不深且遠哉

齊人婁敬說上曰洛陽天下之中有德易以興無德易以亡秦地被山帶河四塞以為固陛下按秦之故此搯天下之亢而拊其背也

易音異搯音厄

亢音岡拊音撫以亢喻闕中以背喻天下所謂與人相鬪不搯其亢拊其背未能全其勝也

上問張良良曰洛陽四面受敵

非用武之國關中左穀函右隴蜀阻三面而守
敬說是也上即日西都關中

穀嶠同隴州名屬鞏昌隴關在焉

字如一

胡氏曰高帝起兵八年歲無寧居至是天下
平定當亦少思安逸之時也而敏於用言不
自遑暇如此其成帝業宜哉光武下隴歸才
六日穎川盜起而徃征之可謂能繩祖武矣
張良謝病辟穀

辟音壁除也道引一食
靜居行氣以寧道也

良佐上

定天下封功臣上使良自擇齊三萬戶良曰臣
始與陛下遇於留此天以臣授陛下封留足矣

遂封留侯

留縣名即陳留

至是杜門道引不食穀曰家

世相韓韓滅為韓報仇今以三寸舌為帝者師

封萬戶侯此布衣之極願棄人間事從赤松子

遊耳

為韓之為去聲○赤松子古仙人號也

司馬公曰夫生之有死猶夜旦之必然自古

及今固未有超然而獨存者也以子房之明

辨達理是以知神仙之為虛偽矣然其欲從

赤松子遊者其智可知也夫功名之際入臣

之所難處淮陰誅夷蕭何繫獄非以履盛滿

而不知止邪故子房托於神仙遺棄外物所

謂明哲保身者與

六年人有上書告楚王韓信反諸將曰發兵坑
孺子耳上問陳平正危之曰古有巡狩會諸侯
陛下第出偽遊雲夢會諸侯於陳因禽之一力
士之事耳上從之告諸侯會陳吾將遊雲夢至
陳信上謁命武士縛信載後車信曰果若人言
狡兔死走狗烹高鳥盡良弓藏敵國破謀臣亡
今天下已定臣固當烹遂械繫以歸赦為淮陰
侯

侯

夢如字或音蒙烹叶音
旁械下戒仄桎也

上嘗從容問信諸將

能將兵多少上曰如我能將幾何信曰陛下不

過將十萬上曰於君何如信曰臣多多益辦上
笑曰多多益辦何以為我禽曰陛下不能將兵
而善將將此臣所以為陛下禽且陛下所謂天
授非人力也為去聲辦薄
覓反一作善○剖符封功臣酈侯
蕭何食邑獨多功臣皆曰臣等被堅執銳多者
百餘戰少者數十合蕭何未嘗有汗馬之勞徒
持文墨議論顧反居臣等上何也上曰諸君知
獵乎逐殺獸者狗也發縱指示者人也諸君徒
能得走獸耳功狗也至如蕭何功人也羣臣皆
莫敢言酈音贊○部分也堅謂甲銳謂
兵發縱者謂解絛而縱放也○上已

封大功臣餘爭功不決上從複道上望見諸將
往往坐沙中相與語上問張良良曰陛下以此
屬取天下今所封皆故人親愛所誅皆平生仇
怨此屬畏不能盡封又恐見疑平生過失及誅
故相聚謀反耳上曰奈何良曰陛下平生所憎
羣臣所共知誰最甚者上曰雍齒良曰急先封
齒於是封齒為什方侯而急趣丞相御史定功
行封羣臣皆喜曰雍齒且侯吾屬無患矣詔定
元功十八人位次賜丞相何劬履上殿入朝不

屬音蜀雍去聲方一作邪趣音促朝平聲下
高帝嘗破豐使雍齒守之而齒以豐叛

故帝憎之十八人謂蕭何曹參張敖周勃樊噲
酈生酈商夏侯嬰灌嬰靳歙王陵陳武王吸薛
蟲歐周昌丁復達傅寬也

司馬公曰張良為高帝腹心宜其知無不言
安有聞諸將謀反待帝見問然後乃言之邪
蓋以高帝數用愛憎行誅賞羣臣徃徃有缺
望自危之心故良因事納忠以變移帝意使
上無阿私下無猜忌可謂善諫矣

尊太公為太上皇

師古曰太上者極尊之稱皇
君也不預朝政故不稱帝

○帝懲秦苛法為簡易羣臣飲酒爭功醉或妄
呼拔劍擊柱

易音異
呼去聲

叔孫通說上曰儒者難與

進取可與守成願徵魯諸生共起朝儀上從之

徵名也

魯有兩生不肯行曰禮樂積德而後可興

也通與所徵及上左右與弟子百餘人為綿蕝

野外習之

蕝子劣反與蕝同束茅表位以為尊卑之次也或曰立竹及茅索營之習

禮於其中也

○七年長樂宮成諸侯羣臣皆朝賀謁

者治禮引諸侯王以下至吏六百石以次奉賀

莫不震恐肅敬置法酒御史執法舉不如儀者

輒引去竟朝罷酒無敢誼譁失禮者上曰吾乃

今日知為皇帝之貴也拜通為太常

引去者屏之出也太

常禮也

司馬公曰禮之為用大矣用之於身則動靜
有法而百行備焉用之於家則尊卑有別而
九族睦焉用之於鄉則長幼有倫而俗化美
焉用之於國則君臣有叙而政治成焉用之
於天下則諸侯賓服而紀綱正焉豈直几席
之上戶庭之間得之而不亂哉夫以高祖之
明達誠得大儒而佐之與之以禮為天下其
功烈豈若是而止哉惜乎叔孫生之器小也
徒竊禮之糠粃以諧俗取寵遂使先王之禮
淪沒不振以迄于今豈不痛甚矣哉

匈奴寇邊帝自將擊之聞冒頓單于居代谷悉

兵三十萬北逐之冒頓音墨特又如字○至平

城冒頓精兵四十萬騎圍帝於白登七日騎去聲○

平城白登二縣名皆屬大同府用陳平秘計使閼閼氏音煙支匈奴后厚遺閼氏冒

頓乃解圍去閼氏音煙支匈奴后

女間遣人遺閼氏云漢有美女如此今皇帝平

從帝征伐凡六出奇計輒益封邑集覽曰六計謂請捐金行

間一也以惡草具進之使二也夜出女子二千

人解榮陽圍三也蹠足請封韓信四也請偽遊

雲夢禽信五也○九年遣劉敬使匈奴和親取

家人子名公主妻單于使妻皆去聲○家人子

曰公主蓋天子至尊目主昏止使公侯同姓
者主之故曰公主帝姑為大公主姊妹為長公
主

司馬公曰帝王之御夷狄服則懷之以德叛
則震之以威未聞與為昏妯也

十年代相國陳豨反帝自將擊之

豨許反

淮陰侯

韓信舍人第上變告信陰與豨謀呂后與蕭何
謀詐稱豨敗死給信入賀使武士縛信斬之信
曰吾悔不用蒯徹之謀乃為兒女子所詐遂夷
信三族稱為去聲○集覽曰舍人親近左右之通稱其弟謝公著嘗得罪信因欲殺之
今告信反也上變告上變
亂之事以告之也陰私也

司馬公曰韓信首建大策與高祖起漢中定
三秦遂分兵以北禽魏取代什趙脅燕平齊
滅楚漢所以得天下大抵皆其功也觀其距
崩徹之說迎高祖於陳豈有反心哉良由失
職怏怏遂陷悖逆夫以盧綰王燕而信乃為
列侯豈非高祖亦有負於信哉雖然信滅齊
不報而自王期共攻楚而不至當是之時高
祖固有取信之心顧力不能耳及天下已定
則信復何恃哉夫乘時以徼利者市井之志
也酌功而報德者士君子之心也信以市井

之志利其身而以士君子之心望於人不亦難乎

太史公曰假令信學道謙讓不伐已功不矜其能則庶幾於漢家勲可以比周召太公之徒後世血食矣不出此而謀畔逆夷滅宗族不亦宜哉

胡氏曰功過當相準信功不可忘也迎陳之禮可以贖自王之釁拒徼之意可以免失期之罪未有反計則當佚以次國逆謀既露猶當宥其子孫如此則漢祖於記信之功討信

之罪各盡其道而無負矣

十一年帝破豨還聞韓信言恨不用蒯徹計詔

捕徹至欲烹之徹曰秦失其鹿天下共逐高材

疾足者先得之當時臣獨知韓信非知陛下也

天下欲為陛下所為者甚衆力不能耳又可盡

烹邪帝赦之鹿喻天下疾捷也○梁王彭越太僕告其

將扈輒勸越反上使人掩越囚之反形已具赦

處蜀呂后曰此自遺患遂誅之夷三族慶音抃遺去聲

○太僕御車之官掩襲也○遣陸賈立南海尉佗為南粵王

佗稱臣奉漢約賈歸報拜太中大夫佗音駝粵越同○佗

趙佗也行南海尉事僭稱三叛賈時前說詩書而不服至是封之遂奉漢約

上罵之曰乃公馬上得天下安事詩書賈曰陛下以馬上得之寧可以馬上治之乎文武並用長久之術也使秦并天下行仁義法先聖陛下安得有之上曰試為我著秦所以失吾所以得及古成敗賈著書十二篇每奏上稱善號曰新語為去聲○乃公高帝自謂○淮南王黥布見帝素未聞此言故謂新語帝殺韓信監彭越以同功一體之人自疑禍及遂反帝自將擊之○十二年帝破布還過魯以太牢祠孔子過沛置酒召宗室故人飲酒酣上

自歌曰大風起兮雲飛揚威加海內兮歸故鄉
安得猛士方守四方令沛中子弟習歌之以沛

為湯沐邑

具牛羊豕曰太牢風帝自喻雲喻亂也言已平難而歸故鄉故思賢才公

共守之也湯沐邑謂以其邑稅賦供湯沐之資也

廬陵劉氏曰自坑焚禍烈吾道幾墜高帝以
不事詩書之資方破布還乃能動念及此至
以太牢祀孔子帝亦有大過人者矣漢四百
年吾道之重實自此始故綱目特書羨之然
其君天下而私一邑後世不能無譏焉

成姬有寵生趙王如意吕后見䟽太子仁弱

上以如意類已欲廢太子而立之羣臣爭之皆

不能得

疏疎同
爭去聲

呂后使人強安張良畫計強上
聲要

邀

良曰此難以口舌爭也顧上所不能致者四

人東園公綺里季夏黃公角里先生以上嫚侮

士故逃匿山中義不為漢臣上高此四人今令

太子為書卑詞安車固請宜來至以為客時從

入朝令上見之則一助也后從之

爭從皆去聲
角音祿嫚慢

同朝音潮

○致招致也集覽曰東綺夏角皆姓
也皇園謚曰東園公姓唐字宣明居東園夏黃

公姓崔名廣居夏里角里先生姓周名術居角
里吳氏曰騎里季姓吳名實字子影居綺里故

各以所居地
名為號也

至是上擊布還愈欲易太子後置

酒太子侍良所招四人者從年皆八十餘鬚眉
皓白衣冠甚偉上怪問之四人前對各言姓名
上大驚曰吾求公數歲公避逃我今何自後吾
兒遊乎四人曰陛下輕士善罵臣等義不辱今
聞太子仁孝恭敬愛士天下莫不延頸願為太
子死者故臣等來耳上曰煩公幸卒調護四人
出上召戚夫人指示之曰我欲易之彼四人者
輔之羽翼已成難動矣為去聲
調平聲

胡氏曰善乎子房之能納說也不先事而強
聒不後事而失幾不問則不言言則必當其

可故聽之易而用之不難也至於招致四人
以安太子則其績尤偉而司馬公乃致疑焉
以為若審有此是子房為子植黨以拒父也
夫高祖之雄傑豈四叟所能抗而大臣力諫
之強豈不賢於四叟之助嗚呼是未知春秋
深許首止之盟而易有納約自牖之象也故
今特據舊史復詳載其事云

蕭何以長安地陋上林中多空地棄請令民得
入田上大怒下何廷尉械繫之數日而赦之去聲
○長安縣名屬安西陲狹同棄謂拋荒也田佃同耕治之也○上擊布中流

矢疾甚呂后問陛下百歲後蕭相國死誰可代
之上曰曹參其次曰王陵然少戇陳平可以助
之平智有餘然難獨任周勃重厚少文可令為
太尉安劉氏者必勃也復問其次上曰此後亦
非乃所知也中云聲戇陟降反復扶又反○飛矢曰流矢百歲後謂身死後也諱不敢以死言故也戇愚直也○上崩葬長陵為王者四年為

帝者八年凡十二年太子立是為孝惠皇帝長陵在咸陽自漢以來天子葬地皆以陵稱而各立名以表之也

愚按高帝起布衣提三尺劍八年而成帝業
何其速哉惟寬仁愛人知人善任而已其入

闕也不殺子嬰約法三章而大本以立其伐
楚也縞素興師不忘故主而大義以明當是
之時張良說謀韓信行兵蕭何給餉用人者
昌固其宜也及天下已定則赦季布以旌委
身徇主之烈士斬丁公以厲懷私結恩之姦
臣祀孔子以崇繼天立極之大聖其慮事深
遠如此子孫享有天祿四百餘年不亦宜乎
然殺韓信監彭越而君臣之義虧疏呂后寵
戚姬而夫婦之道缺欲易太子而父子之恩
乖至於不事詩書溺冠侮士禮文制度大抵

襲秦此漢治所以不能復古惜哉

孝惠皇帝名盈母呂太后即位之元年太后鵠

殺趙王如意斷戚夫人手足去眼輝耳飲瘖藥

使居廁中命曰人彘召帝觀之帝驚大哭因病

歲餘不能起鵠音朕食蝮鳥也以其羽歷飲食

也以藥薰耳令其聾也○二年相國鄼侯蕭何

卒以曹參為相國初參聞河卒令舍人趣為裝

吾且入相使者果召參代何一遵何約束百姓

歌之曰蕭何為法較若畫一曹參代之守而不

失載其清淨民以寧壹趣促同較校同計量也○廬陵劉氏

書法曰綱目於兩漢諸臣卒具官爵姓者美稱也。不書姓者恒稱也。惟不書官者為貶之之辭。

○五年相國平陽侯曹參卒謚曰懿 ○六年以王

陵為右丞相陳平為左丞相 ○留侯張良卒謚曰成文

尹氏起華曰神仙詭誕之說先儒論之詳矣

綱目前書張良謝病辟穀疑若真有道引長生之事至是書張良卒則知子房托於神仙之意昭然可見而詭誕之說不攻自破矣

以周勃為太尉陳季雅曰蕭曹王陳周之用皆高帝臨崩之遺言也 ○七

年帝崩葬安陵帝無子呂后取他人子以為太

子至是即位吕后臨朝稱制元年吕后議立諸
吕為王王陵曰高帝刑白馬盟曰非劉氏而王

天下共擊之平勃以為可陵罷相遂王吕氏

聲○刑殺也言殺白馬以
敬血也平勃陳平周勃也

胡氏曰自已然論之王陵不如平勃固也使
太后未崩而平勃先死則如此言何是亦僥
倖而已矣向使太后有議而將相大臣皆以
為不可太后亦安得獨行其意乎平勃許之
猶且數月再遣張釋風諭大臣而後乃王諸
吕則知向者平勃阿意之罪大矣故程子論

之曰漢祖之於羣臣以力相勝而臣之耳其
臣之者非心悅誠服而願為之臣也是以當
此之時無一人肯死節者其後成功亦幸而
已人臣之義當以王陵為正至哉言乎

四年太后廢少帝幽殺之立恒山王義為帝更
名弘亦名他人子為惠帝子者也

少去聲幽囚
也更音庚

○八年太后崩諸呂欲為亂時呂祿將北軍呂
產將南軍太尉勃不能主兵平勃使酈寄說祿
解印以兵授勃勃入軍門令曰為呂氏者右袒
為劉氏者左袒軍中皆左袒遂召朱虛侯劉章

予卒千餘人擊產誅之分部悉捕諸口無少長

皆斬之

說令為少皆去聲予與同長上聲○
酈寄呂祿友也劉章齊王肥子也

胡氏曰太尉左袒之令非也有如軍士不應
或皆右袒或參半焉則如之何故程子謂是
時直當驅之以義而不當問其從否況將之
於軍如臂之於指其為劉氏與不為劉氏非
惟不當問亦不必問也

諸大臣迎立代王恒王西鄉讓者三南鄉讓者
再遂即位誅子弘等赦天下是為太宗孝文皇

帝

鄉去聲○東西賓主位西向讓者讓為
主也南北君臣位南向讓者讓為君也

南宮氏史斷曰惠帝仁柔之資內脩親親外
禮宰相優寵兄弟恩敬篤矣當時海內息戰
爭之苦君臣拱手俱欲無為是以天下晏然
刑罰罕用民務稼穡衣食滋殖不幸遭母后
虧損至德惜哉吕后以婦人臨朝背高帝之
約欲王諸吕當時面折廷爭僅見王陵一人
而波流風靡阿附吕后者雖平勃不免也自
是權歸吕氏漢祚之危如一髮引千鈞向使
酈寄不可刼吕祿不可給紀通之符節不可
矯北軍弗納而吕須謀行則漢亦殆矣其能

成功豈非天邪夫以吕后仇陷戚姬鳩殺趙王駭沒嗣君幽殺少主擅王吕氏誅鋤高帝諸子居位僭竊自有天地以來所謂非常之變不可言也子朱子綱目於吕氏制朝之後分註其年特以變例書之所以著吕后僭亂之原為萬世鑒戒宜哉

孝文皇帝名恒母薄氏夢龍據胷而生帝帝立尊之為皇太后○元年以陳平為左丞相周勃為右丞相○時有獻千里馬者帝曰鸞旗在前屬車在後吉行日五十里師行日三十里朕垂

千里馬獨先安之於是還其馬與道里費而下

詔曰朕不受獻也其令四方毋來獻

屬音竹下並同令去

聲

○旗上有鈴曰鸞旗屬車副車也天子副車八十一乘皆連屬故曰屬車吉行謂巡狩師行

謂征伐吉行當凶行之半蓋凶行百里窮日之力而止也師行當凶行不及三分之一不可窮

其力也夫師行三十里徐行也凶行百里疾行也吉行五十里不疾不徐也三十里為一舍之

往也○帝益明習國家事朝而問右丞相勃曰天

下一歲決獄幾何勃謝不知又問一歲錢穀出

入幾何勃又謝不知惶愧汗出沾背上問左丞

相平平曰有主者即問決獄責廷尉問錢穀責

治粟內史上曰君所主者何事平謝曰陛下使

待罪宰相宰相者上佐天子理陰陽順四時下

遂萬物之宜外鎮撫四夷內親附百姓使卿大

夫各得其職焉帝稱善勃大慙謝病免朝音潮後並同

○河南守吳公治平為天下第一名為廷尉吳

公薦洛陽人賈誼年二十餘一歲中超遷為太

中大夫河南府名屬今河南○二年丞相曲逆侯陳平卒

謚曰獻○賜天下今年田租之半賜猶免也○書法曰書賜半租

嘉重農也○三年以張釋之為廷尉上行中渭橋有

一人橋下走乘輿馬驚捕屬廷尉釋之奏犯蹕

當罰金上怒釋之曰法如是更重之是法不信

於民廷尉天下之平也一傾天下用法皆為之
輕重民安所措手足乎上良久曰廷尉當是也

乘當皆去聲蹕音畢更音庚○乘輿天子車駕也天子出入必先清道禁止行人出稱警入稱

蹕也傾不平也其後人有盜高廟玉環得下廷

尉治釋之奏當棄市上大怒曰人盜先帝器吾

欲致之族而廷尉以法奏之非吾所以共承宗

廟意也釋之曰盜宗廟器而族之假令愚民取

長陵一抔土何以加其法乎上許之共恭同抔

謂捕獲之也長陵高帝葬地也抔○六年淮南

王長謀反廢徙蜀道死長高帝第四子也謚曰厲民有歌之

者曰一尺布尚可縫一斗粟尚可舂兄弟二人

不相容帝聞而病之後封其四子為侯病患也○

匈奴冒頓死書法曰冒頓不書單于削之也網益強大故也此○以賈誼為梁王太傅梁王文帝子也

先是上議以誼位公卿大臣多短之上以為

長沙王太傅至是徙梁王太傅上疏曰方今事

勢可為痛哭者一可為流涕者二可為長太息

者六長沙王吳芮孫也執與勢同痛哭者一謂諸侯強大也流涕者二謂反貢夷狄不圖

大患也長太子不尚禮教不禮大臣也詳見通鑑

○十年帝舅薄昭受漢使者帝不忍誅使公

綱

卿羣臣往哭之昭有殺使者之○十二年賜農

民今年半租○十三年太倉令淳于意有罪當

刑少女緹縈上書曰死者不可復生刑者不可

復屬願沒入為官婢以贖父刑上憐其意詔除

肉刑令少皆去聲緹音帝○屬連也言斷其肢體不可再相連也通鑑文帝除肉刑而定

律曰當髡者城旦舂當黥髡者鉗城旦舂當劓者答三百當趾者答五百

陳氏曰以一女子言而改古法非有不忍人

之心者不能也可謂仁矣

除田之租稅書法曰除者永除之也再賜天下半租仁矣於是遂永除之非帝之

儉約國有餘畜能若是乎○十五年作渭陽五帝廟從方士新垣平

請也○書法曰天一而已而有十六年親祠

之以新垣平為上大夫書法曰親者何○詔更

以明年為元年更音庚○新垣平言闕下有寶

刻曰人主延壽於是改元○書法曰人主即位

年改元稱一年君自魏鑒與齊相王始以三十

此失綱目書之譏惑也自是景帝有中元後元

武帝十一改○後元年新垣平伏誅人有告平

也遂誅之○書法曰文帝令德善此相望于冊

至末年而惑於異端如日月之食不能不為全

義之累焉及書新垣平伏誅則所謂更也人皆

仰之矣綱目抑左道凡方士必以伏誅書之

○六年匈奴寇上郡雲中詔將軍周亞夫屯細

柳劉禮次霸上徐厲次棘門以備胡雲中郡名今

長安同府細柳營名在關中上自勞軍至霸上及棘門

軍句直馳入大將以下騎送迎勞騎皆去聲下同已而

之細柳不得入先驅曰天子且至軍門都尉曰

軍中聞將軍令不聞天子詔上乃遣使持節詔

將軍亞夫乃傳言開門門士請車騎曰將軍約

軍中不得驅馳上乃按轡徐行至營成禮而去

羣臣皆驚上曰嗟乎此真將軍也向者霸上棘

門軍兒戲耳節令使皆去聲○士卒前導曰先驅

之以王命往來必持○七年帝崩葬霸陵在位

二十三年宮室苑囿車騎服御無所憎益嘗欲

作露臺名匠計之直百金上曰中人十家之產也何以臺為身衣弋絳所幸慎夫人衣不曳地示朴為天下先吳王不朝賜以几杖張武受賂更加賞賜以愧其心專以德化民當時公卿大夫風流篤厚耻言人過上下成俗是以海內安寧家給人足後世莫能及太子立是為孝景皇

帝

身衣之衣去聲○中人中等之戶也弋黠同皂也吳王名濞高帝兄子也凡老者所幸憑以

坐

倚以行

愚按文帝以儉自奉故租稅雖免而國用不
乏以德化民故肉刑雖除而獄訟不興宜其

海內富庶幾致刑措也然惑於妖言而祠五
帝之廟溺於小仁而短三年之喪深為盛德
之累惜哉

孝景皇帝名啓即位之元年丞相申屠嘉奏功

莫大於高皇帝宜為帝者太祖之廟德莫盛於

孝文皇帝宜為帝者太宗之廟制曰可天子七廟以次

祧遷惟太祖百世不遷太宗情盡不祧○復收民田半租三十而

稅一書法曰復者何嘗除也文帝除之至景帝

租矣自是遂為常制也○帝為太子時鼂錯為家令得幸

句太子家號為智囊帝即位錯為內史數請問

言事輒聽寵傾九卿法令多所更定

鼂音潮錯音措令間

皆去聲數音朔下同。陳氏曰家令東宮官名智囊喻其智多也請間謂屏左右也九卿太常

卿光祿卿衛尉卿太僕卿大理卿鴻臚卿宗正卿司農卿太府卿也更音庚

○初孝

文時吳王濞太子入見得侍皇太子飲博爭道

不恭皇太子引博局提殺之濞稱疾不朝錯數

言吳過可削文帝不忍

濞音譬見音現提音抵朝平聲。博圍碁也爭

道爭行碁道也提擲也削謂減其地也

及帝即位錯曰吳王誘天

下亡人謀作亂今削之亦反不削亦反削之反

亟禍小不削反遲禍大上令公卿列侯宗室雜

議莫敢難

亟急也難去聲

錯又言楚趙有罪削一郡膠

西有莪削六縣

膠音交

及削吳會稽豫章書至吳

王遂反膠西膠東菑川濟南楚趙皆先有吳約

至是同反齊王先諾後悔背約城守

會稽音檜
郡名屬

今浙東即紹興府豫章亦
郡屬今江西即南昌府

初文帝且崩戒太子

曰即有緩急周亞夫真可任將至是拜亞夫太

尉將三十六將軍往擊吳楚

將軍之將如
字餘並去聲鼂錯

素與袁盎不善盎言獨有斬錯復諸侯故地兵

可無血刃而罷錯於是腰斬東市父母妻子同

產無少長皆棄市亞夫大破吳楚諸反皆平

復音

伏少去聲長上聲○袁盎吳相也
復猶還也言還其所削之故郡也

永嘉陳氏曰吳王招亡納叛反形已具漢固不容不為之慮也若楚趙之徒初曷嘗有反謀之意哉向使鼂錯之議止於削吳則其反也獨一吳耳今也并未反之國而削之使吳王得以藉口誘諸侯為左右手幾危社稷卒死讒鋒不亦宜乎

亞夫後為相封條侯以諫忤上意罷上曰此鞅鞅非少主臣卒為人所誣告下獄不食嘔血死

忤音悟少如字或音去聲鞅與快同為去聲嘔與歐同○鞅鞅不滿之意晉灼曰主擊也臣伏言亞夫非是少能擊伏惶愚者也或謂亞夫先帝老臣非少主之臣故鞅鞅不足而有異

意也

蘇氏文曰周亞夫為大將折吳楚之鋒不數月而平大難及其為相守正不阿而惡其鞅鞅不屈遂以無罪殺之哀哉

自漢興掃除繁苛與民休息孝文加以恭儉至帝遵業五六十載之間移風易俗黎民醇厚國家無事人給家足都鄙廩庾皆滿而府庫餘貲財京師之錢累鉅萬貫朽而不可校太倉之粟陳陳相因充溢露積於外紅腐不可勝食為吏者長子孫居官者以為姓號故有倉氏庫氏人

人自愛而重犯法

醇淳同累長皆上聲積音恣勝音升。有字曰廩在野曰

庾貫者穿錢之索也按計數也陳者舊也因者仍也不可勝食言多也重者不輕也言人人自愛其身而不然罔疏民富或至驕溢無并之徒輕犯刑法也

武斷鄉曲宗室有土公卿以下奢侈無度物盛

而衰固其變也

斷去聲。罔網同疏謂政綱不密也武斷謂以威武斷制鄉曲

之人也土分地也

○帝崩在位一十六年有中元後元

太子立是為世宗孝武皇帝

胡氏曰文景養民厚矣稽諸仲尼之言則亦富庶之而已未有以教之也然文帝寬厚長者以德化民無事則謙抑如不能有事則英

氣奮發景帝刻薄任數以詐力御下平居則
誅賞肆行緩急則惴慄失措而又以無寵廢
正后而夫婦之道薄以無罪廢太子而父子
之恩睽過愛梁王輕許傳位而兄弟之好不
終信讒用佞絀申屠嘉戮鼂錯殺周亞夫而
君臣之義有缺其大致懸絕如此獨節儉愛
民一事克遵前業耳夫豈可與文帝同稱也
哉

孝武皇帝名徹即位之元年始改元曰建元
有號始此○舉賢良方正直言極諫之士親策

問之廣川董仲舒對曰事在強勉而已矣強勉學問則聞見博而智益明強勉行道則德日起

而大有功

強上聲。廣川邑。屬冀州。

又曰人君者正心以

正朝廷正朝廷以正百官正百官以正萬民正

萬民以正四方四方正遠近莫不一於正而無

邪氣奸其間是以陰陽調風雨時羣生和萬民

殖諸福之物可致之祥莫不畢至而王道終矣

朝平聲。奸音干。

聲下同。順也。殖音植。生也。

調平聲。陛下。行高而恩厚。知

明而意美愛民而好士然而教化不立萬民不

正譬之琴瑟不調甚者必解而更張之乃可鼓

也為政而不行甚者必變而更化之乃可理也

漢得天下以來常欲治而至今不可善治者當

更化而不更化也

行知好治皆去聲○更改也張安弦也言解去舊弦更安

新弦鼓者彈也更謂改施教化也

又曰養士莫大乎太學太學

者賢士之所關也教化之本原也願興太學置

明師以養天下之士

太學即今之國子監

又曰郡守縣令

民之師帥所使承流而宣化也宜使列侯郡守

各擇吏民之賢者歲貢各二人

令去聲

又曰春秋

大一統者天地之常經古今之通誼也今師異

道人異論臣愚以為諸不在六藝之科孔子之

術者皆絕其道然後統紀可一法度可明而民

知所從矣

春秋書王正月所謂大一統也

上善其對以為江都

相

相去聲下並同○江都國名在揚州其王名非景帝子也

程子曰正其誼不謀其利明其道不計其功此董子所以度越諸子也與又曰漢之諸儒唯董子有儒者氣像

上遣使者奉安車蒲輪束帛加璧迎魯申公既

至問治亂之事公年八十餘對曰為治者不在

多言顧力行何如耳

使治皆去聲下同○蒲裹輪欲其安也

○三

年閩越擊東甌遣使發兵救之遂徙其衆於江

淮間

閩音民○陳氏曰閩越國名在福建東

酈亦名在虔州

○帝始為微

行遂起上林苑

微行謂朕微賤之衣以出遊也

上林在渭水南地方三百里即

蕭何請令民八田慶

至是以為苑囿也

○五年置五經博士

五經易詩

書禮春秋也博士太

學官名博學之士也

○六年閩越擊南越遣大

行王恢等將兵擊之

將士聲後並同○周禮大

行人小行人即今通事舍

人也○書法曰二越相攻書擊矣漢兵也

其書擊何譏事外也自是南方益多事矣

○元

光元年初令郡國舉孝廉各一人

從董仲舒之言也

○

二年方士李少君見上善為巧數奇中言祠竈

則致物而丹砂可化為黃金蓬萊仙者可見見

之以封禪則不死上信之始親祠竈遣方士八

海求蓬萊安期生之屬海上燕齊迂怪之士多

更來言神事矣

見音現少中皆去聲更音庚○

藥物也丹砂藥名亦曰朱砂安期生古仙人也

○上用王恢議遣恢等

將兵匿馬邑旁谷中陰使聶壹誘匈奴入塞而

擊之單于覺而去自是絕和親攻當路塞

馬邑郡名

屬山西今朔州當路塞為直當道之塞也

○五年唐蒙上書請通南

夷拜蒙中郎將將千人八夜郎夜郎侯聽約以

為犍為郡

犍音堅○犍為郡屬四川今嘉定府夜郎國名在長亭

又拜司

馬相如為中郎將通西夷邛笮冉駹置郡縣西

至沫若水南至犍牂為徼

邛音強笮音昨駹音忙沫音未又音昧犍音

音莊柯音哥徵音叫○陳氏曰邛笮並西南夷國名丹駝西夷二族沫若二水名牂牁本西南夷

北曰塞塞以障塞為名徵以徵邏為義○徵

吏民有明當世之務習先聖之術者縣次續食

令與計偕集覽曰縣次續食謂所徵吏民詣京師者令各縣依次接續供給其飲食

也計者上計簿使也言令所菑川公孫弘對策

曰人主和德於上百姓和合於下故心和則氣

和氣和則形和形和則聲和聲和則天地之和

應矣策奏擢為第一待詔金馬門應去聲擢音濁拔也齊

人轅固年九十餘亦以賢良徵弘反目事之固

曰公孫子務正學以言無曲學以阿世阿比傾也

也○六年初算商車起商賈舟車之稅○陳季雅曰諸橫斂始於此自是

國用○匈奴寇上谷遣車騎將軍衛青等將兵

擊卻之上谷在古幽州西北今媯州○元朔元年主父偃上

書諫伐匈奴嚴安亦上書及徐樂亦上書云陛

下何威而不成何征而不服書奏上召見曰公

等皆安在何相見之晚也皆拜郎中父音甫是秋

匈奴入寇二年又入寇遣衛青等擊之遂取河

南地置朔方郡朔方郡屬甘肅今夏州○五年以公孫弘

為丞相封平津侯上方興功業弘於是開東閣

以迎賢人○匈奴寇朔方遣衛青率六將軍擊

之還以青為大將軍六將軍謂蘇建李沮公孫賀李蔡李息張次公也

○匈奴入代○六年春遣衛青率六將軍擊匈

奴夏再遣六將軍謂公孫敖公孫賀趙信蘇建李廣李沮○元狩元年

遣博望侯張騫使西域始通滇國騫音憖滇音顛國在西夷

○二年以霍去病為票騎將軍擊匈奴敗之過

焉支至祁連山而還票類妙反騎去聲焉音煙

本名天山蓋匈奴呼天為祁連也○匈奴渾邪王降置五屬國

以處其衆渾音魂邪音耶處上聲○陳氏曰○

三年匈奴入右北平定襄陳氏曰右北平郡名屬鞏鞏昌今平涼府定

襄亦郡名屬山西今忻州○四年遣衛青霍去病擊匈奴去

病封狼居胥山而還狼居胥山在匈奴○方士文成將

軍李少翁伏誅少翁勸上為臺室而置祭具以致天神歲餘神不至

還誅之○元鼎二年西域始通置酒泉武威郡酒泉

郡屬甘肅今肅州府武威郡亦屬甘肅今永昌府○書法曰書始通何難辭也自張騫使西域

於是八年矣○四年以方士欒大為五利將軍書譏遠畧也

尚公主集覽曰娶公主曰尚言帝王之女當尊尚之也○書法曰入綱目尚主未有書

者書此何譏也以方士○五年遣將軍路博德尚公主帝之惑甚矣

等擊南越○欒大伏誅○六年西羌反討平之

羌音庄國名在西蜀○南越平置九郡陳氏曰九郡謂南海蒼梧鬱林合浦

交趾九真日南○元封元年帝出長城登單于珠崖儋耳也

臺遣使告單于曰南越王頭已懸於漢北闕下

今單于能戰天子自將待邊○帝如緄氏祭中

嶽遂東巡海上求神仙封泰山禪肅然東北至

碣石而還緄音勾○臨川陳氏曰緄氏邑名屬河南中嶽嵩山在河南府登封縣肅

然泰山下小山名也碣石山○滇王降置益州

郡益州郡屬四○三年擊樓蘭虜其王遂擊車

師破之樓蘭車師並西域國名○朝鮮降置樂浪臨屯玄

菟真番郡朝音潮樂音洛浪即郎屯音豚菟音徒番音婆○匈奴寇邊

遣兵屯朔方○五年帝南巡江漢至泰山增封

○太初元年冬十月帝如泰山十一月甲子朔

旦冬至造太初曆以正月為歲首

書法曰書甲子朔旦何重

紀曆也至朔同日常也甲子朔旦冬至非常也故特書之造者何始用夏正也自是無能改者

矣故雖復古而以創始之辭書之予之也後乎此魏主叡建丑不三年而復周武氏建子不二

年而復肅宗建子不一年而復行夏之時誠不易之常經也

○遣將軍李廣

利將兵伐宛不克

先是漢使入西域者言宛有善馬在貳師城匿不肯與上

使壯士持千金及金馬以請宛主殺之上大怒遣廣利伐之○書法曰武帝用兵多書擊此其

書伐何宛殺使者斯可以言伐矣

○二年遣趙破奴擊匈奴敗

沒○三年春築塞外城障秋匈奴大入盡破壞

之書法曰直書其事城之不足恃明耳

○大發兵從李廣利圍宛

宛殺其王毋寡以降得善馬數十匹封廣利為

海西侯

書法曰書大受其何譏也大發兵而得馬數十得不償失可見矣繼書封廣利

為侯尚可謂之有功乎

○天漢元年遣中郎將蘇武使匈

奴單于欲降之幽武置大窖中絕不飲食武齧

雪與旃毛并咽之數日不死匈奴以為神徙武

北海上無人處使牧羝曰羝乳乃得歸

使飲食皆去聲

窖音教齧魚列反羝音低乳音儒○幽囚也齧

噬也咽吞也牡羊曰羝乳孕育也言待羝生子乃放武歸猶秦言待

馬生角乃釋燕丹也○二年遣李廣利將兵擊

匈奴別將李陵戰敗降虜○上以法制御下好

尊用酷吏東方盜賊滋起遣使者衣繡衣持斧

督捕得斬二千石以下

使好皆去聲衣上音意下如字○衣以繡者尊

寵之也賜以斧者得專殺也太守祿得二千石○四年遣李廣利等擊

匈奴不利○太始三年帝東巡琅邪浮海而還

琅邪郡名屬○四年帝東巡祀明堂修封禪明

在泰山周天子巡狩朝諸侯之慶○征和二年巫蠱事作帝如

甘泉以江充為使者治巫蠱獄掘太子宫云得

木人尤多蠱音古使去聲○巫女巫也蠱惑也

縣木人木偶人也左甚也按充與太子有隙故欲成其獄也太子據懼使客

佯為使者收捕充斬之白母衛皇后發中廐車

載射士出武庫兵發長樂宮衛卒廐音救樂音洛○佯詐也

白告也中廐上從甘泉來詔發三輔兵遣丞相

皇后所在

劉屈氂將之

屈音摘氂音南○漢以京兆扶風馮翊為三輔

太子亦矯

制發兵逢丞相軍句兵合戰五日死者數萬皇

后自殺太子亡至湖自經死

矯制謂詐為制詔也達迎也湖縣名

屬弘農經縊也

後有高廟寢郎田千秋上書言有白頭

翁教臣云子弄父兵罪當笞上悟曰此高廟神

靈告我也知太子無罪作歸來望思之臺於湖

天下聞而悲之

歸來望思謂已望而思之庶幾太子之魂歸來也

○三

年匈奴寇五原酒泉遣李廣利擊之廣利降匈

奴

五原郡名屬山西即豐州

○四年罷方士候神人者

書法

元光二年遣方士求神仙於是四十五年矣始罷方士甚矣帝之晚悟也後二年而帝蓋違世

矣書此幸之也否則終身弗悟與秦皇何異哉○以田千秋為丞相封

富民侯罷議輪臺屯田下詔滾陳既往之悔去相

聲○輪臺西國名東有溉田五千頃故欲徙民屯耕於此○書法曰武帝干戈土木海內虛

耗至其末年本心定而天理還始陳既往之悔封富民侯以明休息養民之意雖非不遠之復

然與迷而不復者異矣○後元二年上幸五柞宮病篤以

霍光為大司馬大將軍受遺詔輔太子五柞宮在扶風

鹽屋縣宮前有上在位五十四年改元者十有

一曰建元元光元朔元狩元鼎元封太初天漢

太始征和後元上雄才大畧承文景豐富之後

窮極武事嘗謂高帝遺平城之憂思如齊襄公

復九世之讎數征伐匈奴盡漢兵勢匈奴遠遁

漠南無王庭斥地立郡縣置受降城通西域通

西南夷東擊朝鮮南伐粵軍旅歲起數音朔斥

公九世祖哀公嘗為紀侯所譖而戮于周至襄公八年遂滅紀而復仇也漢沙漠也言沙漠之

南無匈奴王庭也斥開廣也內事土木築上苑屬南山建栢

梁臺作承露盤高二十丈大七圍上有仙人掌

屬音竹連也栢梁臺在長安城北關內因以方以香栢為梁而得名承露盤在建章宮內

士公孫卿言神仙好樓居作蜚廉桂館通天莖

臺作首山宮作建章宮千門萬戶東鳳閣西虎

圈北太液池中有漸臺蓬萊方丈瀛洲壺梁南

玉堂壁門立神明臺作明光宮皆極侈靡數巡

幸崇祠祀修封禪

好去聲○陳氏曰蜚廉神數

謂置其象於館上也莖即承露金莖也首山宮在河東建章宮在安西漸湫也臺在池中為水浸漬故名此蓋作以象之也明光宮亦在安西在渤海中此蓋作以象之也

國用不給賣武功爵級造鹿皮幣白金桑弘羊

孔僅之徒作均輸平準法興利以佐費置鹽官

筭舟車造緡錢天下蕭然末年盜起徵輪臺一

詔漢幾不免為秦

緡音民幾平聲○通鑑元朔六年詔令民得買爵贖罪置

官賞名曰武功爵也均輸者孟康云州郡所當輸於官者皆令輸其土產所饒平其所在時價官自轉運於所無之地賣之公私皆利故曰均輸也平準者陳殷云龍天下之物貨貴則買之

賤則賣之使富商大賈無所希大利而物價不
得騰踊也佐者助也緡貫錢索也微無也非也

所用丞相初唯田蚡稍專上嘗謂蚡曰卿除吏

盡未吾亦欲除吏後皆充位而已蚡房吻反○

官也盡未猶言盡乎未盡乎充位猶備員也蓋自此之後武帝自攬權綱丞相充位而已公

孫弘後國家多事丞相連以誅死公孫賀拜相

至涕泣不肯拜亦卒以罪死酷吏張湯趙禹杜

周義縱王溫舒之徒皆嘗峻用刑法然湯等有

罪亦不貸貸寬假也其間卜式兒寬之屬亦以長者

見用兒音倪長上聲汲黯獨以嚴見憚數切諫不得留

內為東海守好清淨卧閣內不出而郡中大治

數音朔好治皆去聲下問○內謂京師東海郡名屬今淮西即海寧軍入為九卿

上方招文學嘗曰吾欲云云黯曰陛下內多欲

而外施仁義奈何欲效唐虞之治乎上怒罷朝

曰甚矣黯之戇也他日又曰古有社稷臣黯近

之矣朝音潮戇陸降反○黯入為主爵都尉在九卿之列故曰入為九卿云云猶言如此

如此也戇愚直也

胡氏曰汲黯多欲之言豈惟深中武帝之病

凡為君者莫不皆然堯舜禹湯文武則無欲

者也自餘賢王則克己窒欲者也所謂欲者

或酒色或貨利或宮室或遊畋或博奕或書

藝圖畫以爲文或開土闢遠以爲武或崇尚
佛釋以爲清或希慕神仙以爲高雖污潔不
齊害有大小然皆足以變移志慮荒廢政理
雖勉於行仁亦不足以感人心強於行義亦
不足以正民行以其無實也故人君莫大乎
修身而修身莫先於寡欲欲誠不行則心虛
而善入氣平而理勝動無非禮事無不善唐
虞之治不越此矣

淮南王安謀反曰漢廷大臣獨汲黯好直諫守
節死義如丞相弘等說之如發蒙耳

好去聲說
音統○發

蒙帝昭曰如發去物
上之蒙言其易也

黯嘗拜淮陽守曰臣病不

能任郡事願為郎中出入禁闥補過拾遺上曰

君薄淮陽邪吾今召君矣顧淮陽吏民不相得

徒得君重卧而治之至淮陽十歲竟卒

淮陽郡名即陳

州補過拾遺謂補其
過失拾其遺缺也

胡氏曰使武帝以待公孫弘之位待董仲舒

退張湯而以汲黯居御史大夫之職則當有

輔導建明諫止抹正之效而功烈之疵亦少

損矣

黯甚為上所重大將軍衛青雖貴上或踞廁視

之丞相弘燕見上或時不冠如黯不冠不見也

廁音則燕見之見音現○廁牀也仲馮曰古者見大臣御坐為起踞廁者輕之也或曰箕踞而

坐不以正視之也

東萊呂氏曰武帝踞廁視衛青不冠見公孫弘惟於汲黯不冠則不見其胷中涇渭亦明矣然所尊非所任所任非所尊此所以有尊賢之名而無尊賢之實也

上招選天下材智士俊異者寵用之莊助朱買臣吾丘壽王司馬相如東方朔枚臯終軍等在左右

吾丘司馬東方皆覆姓

相如特以詞賦得幸朔臯不

根持論好詼諧上以俳優畜之

○好去聲能音排不根謂不根

據義理也詼戲也諧和也優倅倅雜劇之人也朔嘗語上前倅儒以為

上欲殺之倅儒泣請命上問朔朔曰倅儒飽欲

死臣朔飢欲死

倅語去聲音朱

伏日賜肉晏朔先斫肉

持歸上召問令自責朔曰受賜不待詔何無禮

也拔劍斫肉何壯也斫之不多何廉也歸遺細

君又何仁也然朔亦時直諫有所補益

○遺去聲細君

也自李少君以來求神仙不已文成誅而五利

至五利以文成為言上曰文成食馬肝死耳及

五利又誅公孫卿等尤見聽信末年上乃悟曰

天下豈有仙人盡妖妄耳節食飲藥差可少病

而已

文成謂李少翁五利謂藥大差楚宜反稍也

漢興雖自惠帝已

除挾書之禁文帝已廣游學之路然儒學終未

盡盛至帝世董仲舒公孫弘皆以春秋進兒寬

亦以經術節吏事又有孔安國等出表章六經

實自帝始文章亦至帝世始盛人以為有三代

之風焉太子立是為孝昭皇帝

六經易詩書禮記周禮春秋也

表章者表異而章顯之也

司馬公曰孝武窮奢極欲煩刑重斂內侈宮

室外事四夷信惑神怪巡遊無度使百姓疲

敵起為盜賊其所以異於秦始皇者無幾矣
然秦以之亡漢以之興者孝武能尊先王之道
知所統守受忠直之言惡人欺蔽者好賢
不倦誅賞嚴明晚而改過顧托得人此其所
以有亡秦之失而免亡秦之禍歟

孝昭皇帝名弗陵母鈞弋夫人趙氏娠十四月

而生武帝命其門曰堯母

門曰堯
鈞弋宮名堯十四
月生故名鈞弋

母門年七歲體壯大多知武帝欲立之察羣

臣惟霍光忠厚可任大事使黃門畫周公負成

王朝諸侯以賜光

知音智朝音潮也黃門中官
也負者負其哀也通鑑云周

公南面負宸以朝諸侯宸音倚鄭玄註儀禮宸如綈素屏風畫斧文以示威亦天子所居也

譴責鉤弋夫人賜死曰古國家所以亂由主少

母壯驕淫自恣也明年武帝崩遂即位少去聲

胡氏曰漢武此舉斷則有矣未盡善也誠能據春秋大義妾母不得稱后母后不得預政播告之脩著為漢法藏之宗廟責在大臣鉤弋雖欲竊位驕恣為乎敢若夫吕后之事則亦高帝有以啓之耳

燕王旦以長不得立謀反赦弗治黨與皆伏誅

長上聲○旦武帝第三子也

○始元六年蘇武還自匈奴武

初徙北海上掘野鼠去草實而食之卧起持漢

節李陵謂武曰人生如朝露何自苦如此陵與

衛律降匈奴皆富貴律亦屢勸武降武終不肯

去上聲藏也言野鼠所藏草實也漢使者至匈奴匈奴詭言武

已死漢使知之言天子射上林中得鴈句足有

帛書云武在六澤中匈奴不能隱乃遣武還去使

聲武留匈奴十九年始以彊壯出及還須髮盡

白拜為典屬國須與鬚同○典主也屬國附屬之國也以其久在匈奴曉習邊

事故今典主蠻夷附者○左將軍上官桀子安為霍光壻

生女立為皇后桀與安自以后之祖父乃不若

光以外祖專制朝事桀與光爭權朝音時鄂國

蓋長公主為所愛丁外人求封侯不許怨光巨

自以帝兄常怨望御史大夫桑弘羊為子弟求

官不得亦怨望蓋切閭反長上聲為去聲。蓋主帝姊也丁姓外人名也。於

是皆與旦通謀詐令人為旦上書言光出都隸

郎羽林道上稱蹕擅調益莫府校尉專權自恣

疑有非常候光出沐日奏之桀欲從中下其事

弘羊當與大臣共執退光隸音異調去聲。陳氏曰都試也隸習也。

總閱試習武備也郎侍衛親軍官也羽林亦宿衛之官疾如羽多如林也言光之出本為閱視

軍士而於道上潛用天子警蹕之制也莫與幕同言光擅自調遷增益幕府校尉官也書

奏帝不肯下明旦光聞之止畫室中不入上問
大將軍安在禁曰以燕王告其罪不敢入詔召
大將軍句光入免冠頓首謝上曰將軍冠朕知
是書詐也將軍無罪光曰陛下何以知之上曰
將軍之廣明都郎屬耳調校尉以來未能十日
燕王何以得知之且將軍為非不須校尉畫室

曰近臣所止計畫之室或曰雕畫之室也是時

廣明長安東都門也

屬耳猶言近日也

是時

元鳳元年帝年十四尚書左右皆驚而上書者
果亡捕之甚急禁等准白上小事不足遂上不
德後禁黨有譖光者上輒怒曰大將軍忠臣先

帝所屬以輔朕身敢有毀者坐之自是無敢復

言

遂猶追究也坐之謂以其罪反坐之也

桀等謀令長公主置酒

請光伏兵格殺之因廢帝而立旦安又謀誘旦

至誅之廢帝而立桀會有知其謀者以聞捕桀

安弘羊等并宗族盡誅之蓋主與旦皆自殺

謂以其事奏聞於君也

李德裕曰人君之德莫大於至明明以照奸

則百邪不能蔽矣漢昭是也使得伊呂之佐

則成康不足侔矣

四年傅介子使西域誘樓蘭王刺殺之馳傳詣

闕以其為匈奴反間也

使傳為問皆去聲

○元平元年

帝年二十一而崩在位十四年改元者三曰始元元鳳元平霍光為政與民休息天下無事昌邑王賀哀王髆之子武帝孫也光迎賀入即位尊皇后為皇太后賀淫戲無度光奏廢之迎立武帝曾孫是為中宗孝宣皇帝

髆音博

史斷曰孝昭在位霍光總政雖不親萬機然其天性聰明與高帝類觀其以童稚之年而能辨光之忠知上官燕蓋之詐何其偉也始元元鳳之間匈奴和親百姓充實舉賢良文

學問民疾苦遂貸貧民種食除今年田租益
鐵權酤悉從議罷與民休息善政如此使天
假之以年又得伊呂之佐以輔相之周之成
王不足過矣尊號曰昭不亦宜乎

孝宣皇帝

初名病已後改名詢武帝之曾孫也

初戾太子據納史良娣生史皇孫進進生病已

已音以○謚法不悔前過曰戾良娣女官名從母姓故曰史皇孫也數月遭巫蠱

事皆繫獄望氣者言長安獄中有天子氣武帝
遣使令盡殺獄中人丙吉時治獄拒不納曰他
人無辜尚不可况皇曾孫乎使者還報武帝曰

天也

使去聲後並同

及長高才好學亦喜游俠具知間

里奸邪吏治得失

長上聲好去聲

元鳳中泰山有大石

自起立上林有僵柳復起蠶食其葉曰公孫病

已立

僵音姜偃仆也蠶食葉虫也

及賀廢病已年十八矣霍

光等奏病已躬節儉慈仁愛人可以嗣孝昭後

迎入即位既立六年光卒始親政○地節三年

路溫舒上書言秦有十失其一尚存治獄之吏

是也俗語曰畫地為獄議不八刻木為吏期不

對此悲痛之辭願省法制寬刑罰則太平可興

上為置廷尉平獄刑號為平矣

上為之為去聲○十失謂羞文

學一也好武勇二也賤仁義之士三也貴治獄之吏四也正言者謂之誹謗五也過過者謂之妖言六也盛服先生不用於世七也忠良切言皆鬱於胃八也喜虛譽九也蒙實禍十也畫指畫也言畫地為獄雖非真獄人且期望不對也○膠八刻木為吏雖非真吏人且期望不對也○膠

東相王成勞來不怠治有異績賜爵關內侯勞相

來治皆去聲○膠東國名其王名寄景帝第九子也○以魏相為丞相丙

吉為御史大夫○四年霍氏謀反伏誅夷其族

告者皆封列侯初霍氏奢縱茂陵徐福上疏言

宜以時抑制無使至亡書奏上不聽抑止也制防禁也

至是人為徐生上書曰客有過主人見其竈直

突傍有積薪謂主人更為曲突遠徙其薪主人

不應俄失火鄉里共救之幸而得息殺牛置酒

謝其鄉人人謂主人曰鄉使聽客之言不費牛

酒終無火患今論功而賞曲突徙薪無恩澤焦

頭爛額為上客邪上乃賜福帛以為郎為應論皆去聲

更音庚鄉使之鄉音向○突烟窓也直則不能藏火曲則殺其炎上之勢也帝初立

謁高廟霍光驂乘上嚴憚之若有芒刺在背後

張安世代先上從容肆體甚安近焉故俗傳霍

氏之禍萌於驂乘乘去聲從音忽○凡乘車尊者居左御者居中又一人居

右為驂乘

班固曰霍光受襁褓之托擁昭立宣雖周公

阿衡何以加此然不學無術闇於大理陰妻
邪謀立女為后湛溺盈溢之欲以增顛覆之
禍死才三年宗族夷誅哀哉

司馬公曰霍光久專大柄不知避去多置親
黨充塞朝廷使人主畜憤於上吏民積怨於
下切齒側目待時而發其得免於身幸矣况
子孫驕侈以趣之哉雖然向使孝宣專以祿
秩賞賜富其子孫使其食大縣奉朝請亦足
以報盛德矣乃復任之以政授之以兵更加
裁奪遂生邪謀豈徒霍氏之自禍哉亦孝宣

醞釀以成之也夫以顯禹雲山之罪雖應夷
滅而先之忠勲不可不祀遂使家無噍類孝
宣亦少恩哉

北海太守朱邑以治行第一八為大司農

治行皆去

聲○北海郡名屬今山東道即益都府

○渤海太守龔遂入為水

衡都尉

渤海郡名屬山東今濱州

先是渤海歲饑盜起選遂

為太守召見問何以治盜對曰海濱遐遠不沾
聖化其民飢寒而吏不恆使陛下赤子盜弄兵
於潢池中耳今欲使臣勝之邪將安之也上曰
選用賢良固欲安之遂曰治亂民如治亂繩不

可急也願無拘臣以文法得便宜從事上許焉

見音現

○積潦曰潢言如小兒戲弄兵器於潢池之中平之不難也

乘傳至渤海

界郡發兵迎遂皆遣還移書罷捕句諸持田器

者為良民持兵者乃為盜遂單車至府盜聞即

時解散民有持刀劍者使賣劍買牛賣刀買犢

曰何為帶牛佩犢勞來巡行郡中皆有蓄積獄

訟止息至是召八

去勞皆去聲解音蟹○移書猶言行文書也罷捕謂罷免

捕盜吏也

○元康元年殺京兆尹趙廣漢京兆

牛稚曰犢之一今安西是也尹其官名○書法曰書殺何

甚帝也周官八議有議賢議能若廣漢延壽可

謂能矣雖有罪

豈足以死哉初廣漢為潁川太守潁川俗豪

傑相朋黨廣漢為鉅甬受吏民投書使相告訐

姦儻散落盜賊不得發

鉅音項甬音同許音結
○潁川郡名屬河南今

許州是也鉅甬若今盛錢藏瓶為小孔可入而
不可出用受書令投其中訐謂攻發人之陰私

也落聚也散落
者其聚解也

由是八為京兆尹尤善為鉤距

以得事情閭里銖兩之姦皆知發姦擿伏如神

京兆政清長老傳自漢興治京兆者莫能及音銖

珠擿音剔長上聲○陳氏曰鉤距謂鉤出隱
伏之情而距塞欺誑之說也擿挑也伏隱也至

是人上書言廣漢以私怨論殺人下廷尉吏民

守闕號泣者數萬人竟坐要斬廣漢廉明威制

豪強小民得職百姓追思歌之

論去聲號下
聲要腰同 ○

以尹翁歸為右扶風右扶風三輔之一翁歸初

為東海太守過辭廷尉于定國定國欲託邑子

語終日竟不敢見曰此賢將汝不任事也又不

可干以私以治郡高第遂入治常為三輔最音見

現○託寄託邑子同邑子也定國東海人故欲

以邑子為翁歸託然語終日不敢令邑子出見

翁歸也將猶且也言汝不足為翁歸任又不可

以私意干之此蓋定國退與邑子言也上功曰

最○二年前欲因匈奴衰弱出兵擊其右地使

不復擾西域今甘肅永昌府乃魏相諫曰救亂

誅暴謂之義兵兵義者王敵加於已不得已而

起者謂之應兵兵應者勝爭恨小故不忍憤怒

者謂之忿兵兵忿者敗利人土地貨實者謂之
貪兵兵貪者破恃國家之大矜人民之衆欲見
威於敵者謂之驕兵兵驕者滅匈奴未有犯境
今欲興兵入其地臣愚不知此兵何名者也王應皆去聲見音現顯示之也今年計子弟殺父兄妻殺夫者二

百二十二人此非小變左右不憂乃欲發兵報

讎芥之忿於遠夷殆孔子所謂吾恐季孫之憂

不在顓臾而在蕭牆之內也上從相言殆發語辭顓臾

魯附庸國在今沂州費縣事見論語○三年太子太傅䟽廣謂兄

子太子少傅䟽受曰吾聞知足不辱知止不殆

今宦成名立如此不去懼有後悔即日俱稱疾
上疏乞骸骨許之加賜黃金公卿故人設祖道
供帳東門外送者車數百兩道路觀者皆曰賢

哉二大夫

供音恭兩音亮○殆危也祭行道之神曰祖道供帳謂供具飲食陳設幕

席也兩一車也一車兩輪故曰兩

既歸日賣金共具請族人故

舊賓客相與娛樂不為子孫立產業曰賢而多
財則損其志愚而多財則益其過且夫富者衆
之怨也吾不欲益其過而生怨

共供同樂音洛為去聲夫平聲

胡氏曰以宦成名立為榮而求免於危辱此
非君子之高致而疏廣甘以自居何也曰此

廣所以加人數等而古今未之知也太子年
既稍長其資質志趣已可驟見觀其親政之
時年二十七而猶不省召致廷尉為下獄以
至再辱師傅於牢獄而卒殺之則其憤憤有
素疏廣矚之已熟知其不可扶持而教誨也
審矣是以決意去之觀其語曰不去恐有後
悔則其微意可見矣易曰君子見幾而作疏
廣有焉

神爵元年先零與諸羌叛上使問後將軍趙充
國誰可將者充國年七十餘對曰無踰老臣復

問將軍度羌虜何如當用幾人充國曰兵難遙
度願至金城圖上方略乃詣金城上屯田奏願
罷騎兵留步兵萬餘分屯要害處條不出兵留
田便宜十二事奏每上輒下公卿議初是其計
者什三中什五後什八魏相任其計可必用上
從之零音連度音鐸騎去聲○先零西夷國名
金城郡名屬鞏昌今蘭州是也條約也言
約束兵備而不出也十一事詳○二年司隸校
見通鑑綱目任猶保也信也
尉蓋寬饒自到北闕下初寬饒為衛司馬撫士
卒有方上嘉之擢司隸
校尉劉直公清數犯上意時上方用刑法任宦
官寬饒奏封事曰方今聖道寢微儒術不行以
刑餘為周召以法律為詩書又引易傳言五帝
官天下三王家天下官以傳賢聖家以傳子孫

書奏上以為怨謗下之吏寬饒自劉泉莫不憐之○書法曰於是下寬饒吏寬饒自劉其不書下之吏何甚寬饒也寬饒謂刑餘為周召可也而語及官天下則非所宜言也若是而自殺焉罪不專在上也故趙韓楊皆書殺而寬饒書自劉綱目之權衡審矣○三年丞相

高平侯魏相卒以丙吉為丞相故事上書者皆為二封署其一曰副句領尚書者先發副封所言不善屏去不奏自霍光薨後相即白去副封以防壅蔽及為相好觀漢故事及便宜章奏數條漢興以來便宜行事及賈誼鼂錯董仲舒等所言請施行之敕掾史按事郡國及休告從家還至府輒白四方異聞或有逆賊風雨灾異郡

不上句相輒奏言之

屏音丙好去聲下同。故事舊制也署書也臺省吏

曰擣史按事郡國謂分巡按事於各郡及諸侯王國也休告謂請暇還家也郡不上謂郡國不

也上言與御史大夫丙吉同心輔政上皆重之至

是吉代為相吉尚寬大好禮讓嘗出逢羣闔死

傷不問逢牛喘使問逐牛行幾里矣或譏其失

問吉曰民闔京兆所當禁宰相不親細事非所

當問也方春未可熱恐牛暑故喘此時氣失節

三公調陰陽職當憂人以為知體喘音糾疾體息也調平

聲○五鳳元年殺左馮翊韓延壽馮翊三輔之一今同州是

也延壽為吏好古教化由潁川太守八為馮翊

民有兄弟相訟延壽閉閤思過訟者各悔不復

爭郡中翕然相敕厲恩信周徧莫復有詞訟吏

民推其至誠不忍欺給至是坐事棄市百姓莫

不流涕復扶又反給蕩亥反○思過謂思自己過失也敕厲謂民更相敕戒勉厲不犯

禁令也○三年丞相博陽侯丙吉卒吉病上臨問以誰可自代

者吉薦杜延年于定國陳萬年後三人居位皆稱職上稱吉為知人

班固曰經謂君為元首臣為股肱明其一體

相待而成也近觀漢相高祖開基蕭曹為冠

孝宣中興丙魏有聲是時黜陟有序眾職修

理公卿多稱其位海內興於禮讓覽其行事

豈虛也哉

以黃霸為丞相霸嘗為潁川太守吏民稱神明不可欺力教化後誅罰長吏許丞老病聾督郵白欲逐之霸曰許丞廉吏雖老尚能拜起重聽何傷數易長吏送故迎新之費及姦吏因緣絕簿書盜財物公私費耗甚多所易新吏又未必賢或不如其故徒相益為亂凡治道去其太甚者耳霸以外寬內明得吏民心治為天下第一至是代丙吉霸材長於治民及為相功名損於治郡時

數音朔易音亦長上聲○長吏即郡丞督郵即督事重聽謂病聾者必重聲與

言乃能聽也絕者陰也言交代之際除絕簿書以盜官物也

○四年大司農

耿壽昌白令邊郡皆築倉穀賤增價而糴以利農穀貴減價而糴以利民名曰常平倉民便之

○殺故平通侯楊惲

惲委粉反○書法曰惲既免為庶人矣書故平通侯

何廢不以罪也而殺之甚矣

惲廉潔無私人上書告惲為妖

惡言免為庶人惲家居治產自娛其友孫會宗戒之惲報曰過大行虧當為農夫以沒世田家作苦歲時伏臘烹羊炰羔斗酒自勞酒後耳熱仰天拊缶而呼烏烏其詩曰田彼南山蕪穢不治種一頃豆落而為箕人生行樂耳須富貴何

時滯荒無度不知其不可也人上書告惲驕奢

不悔下廷尉按得所與會宗書帝見而惡之以

大逆無道腰斬

行勞惡皆去聲拊音甫箕音其樂音洛○拊擊也山高而在陽

喻人君也蕪獵喻政荒亂也豆當在舍困喻百官也箕豆莖零落在野喻自己見放棄也

司馬公曰以孝宣之明魏相丙吉為丞相于

定國為廷尉而趙蓋韓楊之死皆不厭衆心

惜哉其為善政之累大矣周官司寇之法有

議賢議能若廣漢延壽之治民可不謂能乎

寬饒惲之劄直可不謂賢乎然則雖有死罪

猶當宥之况罪不足以死乎

甘露元年免京兆尹張敞官復以為冀州刺史

書法曰書免張敞官復以為刺史改過之辭也楊惲之誅也公卿奏敞

惲之黨友不宜處位上惜敞材寢其奏○處上聲寢謂

不舉行也敞使掾絮舜按事舜私歸曰五日京兆耳

安能復按事敞聞舜語即收繫獄竟致其死後

為舜家所告敞上書從闕下亡命為去聲○五日京兆言不

久也亡命謂逃亡不受罪責也數月京師抱鼓數警上思敞能

復召用之抱音孚擊鼓拔也數音朔煩數也擊鼓所以警眾數警者以盜賊多故也

○三年匈奴亂五單于爭立呼韓邪單于上書

願款塞稱藩臣至是來朝詔以客禮待之位諸

侯王上

朝音潮○五單于謂屠著單于呼韓邪單于呼揭單于車黎單于烏籍單于款

叩

也言叩塞門來服從也

荀悅曰春秋之義王者無外欲一于天下也戎狄道里遼遠人迹介絕故正朔不及禮教不加非尊之也其勢然也詩曰自彼氐羌莫敢不來王故要荒之君必奉王貢若不供職則有辭責號令加焉非敵國之謂也今待以不臣之禮加之王公之上僭度失序以亂天常非禮也

上以戎狄賓服思股肱之義乃圖畫其人於麒麟

麟閣署其官爵姓名惟霍光不名曰大司馬大將軍博陸侯姓霍氏其次張安世韓增趙充國魏相丙吉杜延年劉德梁丘賀蕭望之蘇武凡十一人皆有功德知名當世麒麟閣在安西○丞相霸率以于定國為丞相定國父于公初為獄吏東海有孝婦寡居不嫁以養其姑姑以年老妨婦嫁自經死姑女告婦迫死其母婦不能辨自誣伏于公爭之不能得孝婦死東海枯旱三年後太守來公言其故太守祭孝婦冢遂雨于公治獄有陰德令高大門閭容駟馬車曰吾後世必

有興者子定國以地節元年為廷尉朝廷稱之

曰張釋之為廷尉天下無冤民于定國為廷尉

民自以不冤至是由御史大夫代黃霸養爭皆去聲朝

音潮○夫毋曰姑妨害也天下無冤民者治之而民無冤也民自以不冤者不待治之而民自

不冤也○黃龍元年帝崩葬杜陵杜陵在陽府上在位

二十五年改元者七曰本始地節元康神爵五

鳳甘露黃龍上興於閭閻知民事之艱難厲精

為治樞機周密品式備具里門曰閭閻門曰閭

治之要也品式品第法式也拜刺史守相輒親見問常曰民

所以安其田里而無歎息愁恨之聲者政平訟

理也與我共此者其惟良二千石乎以為太守

吏民之本數變易則民不安故二千石有治理

效輒以璽書勉厲增秩賜金公卿缺則選諸所

表以次用之漢世良吏於斯為盛守相謂郡守及諸侯王相

也良循良也二千石守相之俸也御印曰璽璽書者詔書也增秩加賜官品也所表謂治功表

著信賞必罰綜核名實政事文學法理之士咸

精其能吏稱其職民安其業綜核同稱去聲也

名謂虛名實謂實行遭值匈奴衰亂推亡固存信威北夷

單于慕義稽首稱藩信音申○推亡固存書仲

之若宣帝於郅支是也有存道者則功光祖宗輔而固之若宣帝於呼韓邪是也

業垂後裔可謂中興侔德商宗周宣矣太子立

是為孝元皇帝

侔音謀齊也言殷高宗周宣王皆中興之主而宣帝之德可與

侔齊也

賀氏善曰宣帝號尚嚴而綱目書寬恤之政

四詔有大父母父母喪勿繇詔子匿父母妻

匿夫孫匿大父母皆勿治令郡國歲上繫囚

掠笞瘐死者以課殿最詔年八十以上非誣

告人勿坐謂非惻隱之發可乎惜夫信鳳凰

惑碧鷄而趙韓楊之死不免書殺此綱目所

以責賢者之備也

孝元皇帝名莔初為太子柔仁好儒見宣帝所

用多文法吏以刑名繩下嘗燕從容言陛下持

刑太深宜用儒生宣帝作色曰漢家自有制度

本以霸王道雜之奈何純任德教用周政乎且

俗儒不達時宜好是古非今使人眩於名實不

知所守何足委任乃嘆曰亂我家者太子也去

聲後音勿○文法吏謂深文峻法之吏也黃宣

帝少依太子母家許氏許后以霍氏毒死故不

忍廢太子至是即位少去聲○宣帝微時娶許

為帝立許氏為后后當嫪病霍光妻顯令女醫毒殺之而以其女為后

司馬公曰王霸無異道。昔三代之隆。禮樂征伐自天子出。則謂之王。天子微弱。不能令諸侯。諸侯有能率與國同討。不庭以尊王室者。則謂之霸。其所以行之也。皆本仁祖義。任賢使能。賞善罰惡。禁暴誅亂耳。非若黑白甘苦之相反也。漢之所以不能復三代之治者。由人主之不為非。先王之道不可復行於後世也。夫儒有君子有小人。彼俗儒者。誠不足與為治也。獨不可求真儒而用之乎。稷契皋陶周公孔子皆大儒也。使漢得而用之。其功烈

豈若是而已邪孝宣謂太子懦而不立闇於治體必亂我家則可矣乃曰王道不可行儒者不可用豈不過甚矣哉殆非所以訓示子孫垂法將來者也

初元元年立婕妤王氏為皇后

婕妤女官名

○二年

下蕭望之周堪及宗正劉更生獄皆免為庶人

更生音庚

○宗正官名更生漢宗室也後改名向

時史高以外屬領尚書

事望之堪副之二人帝師傅數言治亂陳王事

選更生給事中與侍中金敞並拾遺左右四人

同心謀議中高充位而已由是與望之有隙

數音

朔治去聲。○史高宣帝中書令弘恭僕射石顯

自宣帝時久典樞機及帝即位以顯中人無外

黨遂委以政事事無大小因顯白決貴幸傾朝

百僚皆敬事之顯巧慧習事能深得人主微旨

內深賊持詭辯以中傷人與高表裏射音夜中

主也中人宦官也旨意也望之等患外戚許史

放縱又疾恭顯擅權建白以為中書政本國家

樞機宜以通明公正處之武帝遊宴後庭故用

宦者非古制也宜罷中書宦官應古不近刑人

之義上不能從慶音杵應去聲。○建白猶云建

言也許史謂許延壽史高之徒

也禮曰刑人不在君側恭顯奏望之堪更生

羊傳曰君子不近刑人

朋黨相稱譽數譖訴大臣毀離親戚欲以專擅

權勢為臣不忠誣上不道請謁者召致廷尉時

上初即位不省名致廷尉為送獄可其奏後上

召堪更生曰繫獄上大驚曰非但廷尉問邪令

出視事恭顯使高說上竟罷免

視事親視政事也。數音朔省

悉井反說音稅

後上復徵堪更生為中郎且欲以望之

為相恭顯許史皆側目

側目畏貌

知望之素高節不

訕辱建白望之不悔過服罪深懷怨望自以託

帝師傅終不坐非頗屈望之於獄塞其怏怏心

則聖朝無以施恩厚快快不滿之意。上曰太

傅素劄安肯就吏顯等曰人命至重望之所坐

語言薄過必無所憂過猶罪也言坐望之以薄罪名之必求無足憂也

令謁者召望之因急謁執金吾軍騎馳圍其第

望之飲鴆自殺上聞大驚卻食涕泣召顯等責

問皆免冠謝良久而後已是歲恭死遂以顯為

中書令騎去聲。執金吾軍衛官名吾禦也言常執金革以禦非常也或曰金吾拔也

以銅為之金塗兩末未詳孰是

司馬公曰甚矣孝元之易欺而難寤也夫恭

顯之邪說詭計誠有所不能辨也至於望之

自殺則恭顯之欺亦明矣在中智之君孰不
感動奮發以底邪臣之罰孝元則不然雖涕
泣不食以傷望之然不能誅恭顯纔得其免
冠謝而已如此則奸臣安所懲乎是使恭顯
得肆其邪心而無復忌憚也

五年匈奴郅支單于殺漢使者西走康居

居音渠

康居西域國名

○永光元年匈奴呼韓邪單于北歸庭

庭王庭匈奴所居處也蓋呼韓邪自宣

帝黃龍元年来朝至是始北歸王庭也

○建昭

二年殺魏郡太守京房

魏郡屬河東今大名府

房學易於

焦延壽延壽嘗曰得我道以亡身者京生也為

郎屢言災異有驗嘗宴見言事意指石顯顯奏

出之尋徵下獄棄市

見去聲宴見言
事詳見綱目

胡氏曰君臣之交有淺深交深者聖人猶存
不可則止數斯辱矣之戒况交淺者乎京房
事元帝纔得為郎其交固淺陳考功法帝雖
鄉之而公卿朝臣皆以為不可又欲去上所
親信而不量元帝之庸懦不可信也亦難乎
其免矣京房學易不明其道徒以災變占候
為事此易之末也易曰不出戶庭無咎又曰
樂天知命故不憂房皆違之而於其術亦不

能自信也故占候前知之學君子不貴焉惟
明乎消息盈虛之理語默進退之幾以不失
乎時中則易之道也

顯威權日盛與中書僕射牢梁少府五鹿充宗
結為黨友諸附倚者得寵位民歌之曰牢邪石

邪五鹿客邪印何累累綬若若邪

少去聲○少府官名五鹿

姓充宗名也師古曰累累重貌
若若長貌言其兼官據勢也

荀悅曰夫佞臣之惑君也甚矣故孔子遠佞
人非但不用而已乃遠而絕之隔塞其源戒
之極也孔子曰政者正也要道之本正已而

已平正真實者正之主也賢能功罪言行事物必核其實然後應之則衆正積於上而萬事實於下矣

三年西域副校尉陳湯矯制發兵與都護甘延

壽襲擊匈奴郅支單于於康居斬之四年春傳

首至京師縣藁街十日

傳抹總反縣平聲藁音杲○藁街蠻夷所邸之

處故縣首於此以示之也

○竟寧元年呼韓邪單于來朝願

婿漢以後宮王嬙字昭君賜之

朝音潮嬙音牆

○帝崩

在位十六年改元者四曰初元永光建昭竟寧

上雖喜儒術得韋玄成宦衡為相無相業帝徒

優游不斷漢業衰焉太子立是為孝成皇帝去聲

史斷曰元帝以昏懦之資繼統之初首以公
田賑業貧民賦貸種食未幾減樂府貢省苑
馬以賑困乏又罷宮館減馬獸肉食數月之
內善政迭書率是而行文景亦不是過奈何
主德不明羣小在位知蕭周之賢善善而不
能用知恭顯之姦惡惡而不能去事無巨細
悉委中書專事邪僻賊害忠良西漢之衰決
於此矣

孝成皇帝名驁母王氏生帝於甲觀少好經書

其後幸酒樂燕樂元帝時為太子幾廢賴史丹

伏青蒲涕泣諫止至是即位尊王氏為皇太后

少好皆去聲樂上五教反一音洛幾音斧○應劭曰以青觀地曰青蒲非皇后不得至此○

建始元年以元舅王鳳為大司馬大將軍領尚

書事書法曰書元舅何譏私也王○石顯以罪

免歸故郡道死書法曰書免歸道死何譏失刑也人不能誅而天誅之於是漢

為失刑矣故書以○封舅王崇為安城侯賜譚

商立根逢時爵關內侯黃霧四塞塞音色○書法曰序五侯

何病漢也以為無一人不侯矣故下書黃霧○四塞帝之昏實為之譚等不書舅蒙上文也○

河平二年悉封諸舅為列侯王譚為平阿侯商

陽侯根為曲陽侯達時為高平侯○書法口前序五侯病漢也此則何以不序貶其事端則餘者畧之可也書悉封而封爵之濫甚矣○陽朔二年以王音為御

史大夫音鳳從弟○大司馬大將軍鳳卒以王音為

大司馬車騎將軍詔王譚位特進領城門兵書

曰鳳具官矣不書姓何黜之也王氏日盛劉氏將移君子所不忍書也自是卒音商根皆不書姓必著譚之無權○鴻嘉四年王譚卒詔王商而後可以書矣

位特進領城門兵書法曰非大司馬起文也○

永始元年封太后弟子恭為新都侯書法曰不

書太后弟子何病太后○二年大司馬車騎將

也恭之篡太后成之

軍音卒以王商為大司馬衛將軍○三年故南

昌尉梅福上書不報

南昌縣名屬南昌府不報謂寢其事也○書法曰書

故尉何錄賢也

初福屢因縣道上變事輒報罷至是復

上書曰方今君命犯而主威奪外戚之權日以

益盛陛下不察其形願察其景建始以來日食

地震三倍春秋水灾無與比數陰盛陽微金鐵

為飛此何景也上不納

景音影為去聲○變事灾變事也君命犯謂下

犯上命也春秋二百四十二年之間日食三十六地震五今三倍此數也水灾極多無與比其

數也○元延元年大司馬衛將軍商卒以王根為

大司馬票騎將軍○故槐里令朱雲言事得罪

既已釋之以槐里邑名屬扶風○書法曰令耳何

者此其書何不當得而得者也罪辭有三有罪

今罪也以罪前罪也皆實罪也得罪非所罪而

也安昌侯張禹以帝師傅每有大政必與定議

時吏民多上書言災異王氏專政所致上至禹

第辟左右親以示禹禹自見年老子孫弱恐為

王氏所怨謂上曰春秋日食地震或為諸侯相

殺夷狄侵中國災變之意深遠難見故聖人罕

言命不語怪神性與天道自子貢之屬不得聞

何況淺見鄙儒之所言新學小生亂道誤人宜

辟音闕屏除也無毋同禁

無信用上雅信禹由是不疑王氏

止辭也雅素也朱雲上書求見願賜尚方斬馬劍斷佞

臣一人頭以厲其餘上問誰也對曰安昌侯張

禹上大怒曰小臣居下廷辱師傅罪死不赦御

史將雲下雲攀殿檻檻折雲呼曰臣得下從寵

逢比干遊於地下足矣未知聖朝何如耳左將

軍辛慶忌叩頭流血爭之上意乃解及當治檻

上曰勿易因而輯之以旌直言見呼爭皆去聲

○尚方少府之屬官作供御器物者斬馬劍言

劍利可以斬馬也廷辱謂當朝廷而辱之也龍

逢夏禁之臣比干殷紂之臣皆以直○綏和元

年大司馬根病免以王莽為大司馬○二年帝

崩葬延陵上在位二十六年改元者七曰建始
河平陽朔鴻嘉永始元延綏和帝有威儀臨朝
若神然荒于酒色政在外家張禹薛宣翟方進
為相漢業愈衰焉太子即位是為孝哀皇帝

潮相
去聲

史斷曰成帝善修容儀臨朝若神可謂有穆
穆天子之容矣然湛于酒色飛燕媒私赤鳳
內亂五侯秉政僭擬乘輿縱惡不誅蔓延滋
長遂致排擯宗室孤弱公輔斬戮無忌擊斷
不靖劉向王章精忠懇切如水沃石朱雲梅

福披心讜論動遭按劔獨柱欽谷永張禹孔
光之徒諂諛苟容保寵固祿天地變異無與
比數而當世君臣猶不警悟欲久安長治得
乎

孝哀皇帝

名欣定陶恭王康之子元帝之孫也

祖母傅氏母丁氏成帝無子故立為太子至是

即位丁傅用事罷大司馬莽就第

丁傅明傅
晏也第私居

也

○建平元年用夏賀良言漢曆中衰當更受

天命宜急改元易號乃改元太初更號陳聖劉

太平皇帝尋罷改元更號事誅賀良等

更音庚

○

帝幸董賢元壽元年以賢為大司馬二年帝崩
賢自殺上在位六年改元者二曰建平元壽太
皇太后以莽為大司馬領尚書事迎中山王即
位是為孝平皇帝

史斷曰哀帝賭孝成之世祿去公室權柄下
移即位以來屢誅大臣欲強主威以則武宣
天性昏愎寵信讒諂憎疾忠直漢業由是益
衰焉

孝平皇帝

名箕子後更名衍中山孝王興之子
元帝孫也哀帝崩立為嗣太皇太后臨朝大司

馬莽秉政百官總已以聽元始元年莽為安漢

公更音庚所音音朝音漸○四年聘莽女為皇

后加安漢公莽號宰衡位在諸侯王上周公為

之尹為阿衡采二相○五年孔光卒成哀以來光

等為三公養成漢禍諂佞成風上書頌莽者至

四十八萬人加莽九錫陳氏曰九錫與馬衣服

矢鉄鉞○臘日莽上椒酒於帝置毒帝崩在位

五年改元者一曰元始太皇太后詔徵宣帝玄

孫嬰為皇太子號曰孺子嬰莽居攝踐阼贊曰

倏皇帝臣民謂之攝皇帝帝音助

史斷曰孝平幼弱政自莽出褒善顯功以自尊大漢士大夫若崩厥角稽首靡然從之一時上書頌莽者四十八萬人而炎漢之宗社已繫於莽哀哉

孺子嬰

居攝元年安衆侯劉崇起兵討莽不克

死之

書法曰予倡義也

○二年東郡太守翟義起兵討

莽不克死之

義故丞相方進子也

○初始元年莽自稱新

皇帝更號太皇太后為新室文母太皇太后音更

庚

○書法曰於是以十二月為歲首其不書何不成之為帝也

王莽者王曼之

子也孝元皇后兄弟八人獨曼早死不侯莽幼

孫羣兄弟皆將軍五侯子向垂時侈靡以輿馬
聲色佚游相高莽折節為恭儉勤身博學被服
如儒生外交英俊內事諸父曲有禮意封新都
侯爵位益尊節操愈謙虛譽隆洽傾其諸父遂
得漢政至是篡位國號新以十二月為歲首音曼

萬洽音浹○聲色音樂女色也折節
猶言屈節也諸父伯叔也傾竦動也○建國元

年莽廢孺子為定安公○二年太皇太后王氏崩

書法曰不書新室文母何不絕之於漢也成莽
篡者太后也其不絕之何其握璽其令官屬黑
貂其用漢家正朔猶有漢氏之心焉然則不書
漢太皇太后何不成莽之為新也故以恒辭書
之○四年鳳州綠林兵起書法曰不書盜起書
兵起莽故盜然則

也曷為不書起兵衆辭也與起義者微異矣時法禁煩苛旱蝗相仍荆

州飢饉民衆相聚為盜新市人王匡為之帥馬

武王常成丹往從之藏於綠林山中北荆州屬湖北即郢都

新市邑名屬江夏○年莽大夫楊雄死書法曰

綠林山在當陽縣書死賊之也莽大夫多矣特書揚雄雄字子雲

所以深病雄也凡蠻夷盜賊書死也成帝之世以奏賦為郎給事黃門三世不徙官

及莽篡以耆老久次轉為大夫嘗作太玄法言

卒章稱莽功德比伊周後又作劇秦美新之文

以頌莽劉棻嘗從雄學奇字棻坐事誅辭連及

雄時雄校書天祿閣上使者來欲收之雄從閣

上自投下莽詔勿問至是死劇音絡蔡音焚使去聲○三世成帝

哀帝平帝也久次謂之在位次不遷轉也太玄擬易法言擬論語劇甚也甚言秦之虐而稱頌

新之義也奇字六書之一天○琅邪樊崇東海

刀子都等兵皆起刀音周○地皇三年樊崇兵自號赤

眉恐其兵與莽兵混故朱其眉以相識別因號赤眉○綠林兵分為下

江新市兵○荊州平林兵起平林地名在隨州○漢宗

室劉縯及弟秀起兵春陵興復帝室新市平林

兵皆附之春陵故城在道州寧遠縣○書法曰書漢宗室何正統也是故書兵起者

多矣未有書興復帝室者此其書何特筆也○漢帝玄更始元年新市平林

諸將共立更始將軍劉玄為皇帝大赦改元更音

庚○書法曰不書漢宗室何不以玄並續秀也
書改元矣曷為不以玄紀年大書之不成玄之
為帝也其不足以君天下明矣書曰立某為帝
立者不宜立者也故終玄之世綱目恒斥而名

之玄春陵節侯買之玄孫與續秀同高祖時在

平林軍中號更始將軍諸將貪其懦弱立之南

面立朝羣臣以手刮席羞愧流汗不能言都于

宛四世祖曰高祖懦弱也刮者摩也○宛音宛下並同○劉秀大破莽

兵於昆陽下○成紀隗囂起兵應漢應去聲成紀縣名屬

秦州○公孫述起兵成都成都府名屬四○遣上

公王匡攻洛陽大將軍申屠建攻武關拆人鄧

曄起兵開關迎建入長安衆兵誅莽傳奇詣宛

拆音昔邑名蜀南陽曄為妄反傳去聲下同○
書法曰人也書鄧曄何予義且志切也苟以義

雖人必書所以勸義也
莽誅書衆均其功也
莽未篡時更定官名及

十二州界罷置改易天下多事更造錯刀契刀

大錢等貨
食貨志云錯塗也以黃金錯其文曰錯刀環大如錢身形似刀長二寸文

刀契既篡位以劉字卯金刀也禁剛卯金刀之

利不得行罷錯刀契刀五銖錢
服虔曰剛卯長三寸廣一寸佩

以辟邪金制度未詳五銖錢蓋一錢重五銖也更名天下田曰王田不

得買賣男口不盈八而田過一井分餘田與九

族鄉里故無田者受田
九族謂高曾祖父已身子孫曾玄也或曰父族

四母族三妻族二也立五均司市錢府官令民各以所業

為貢

詳見綱目更音庚

更作寶貨有金銀龜貝錢布五

物六名二十八品百姓潰亂寶貨不行乃行小

錢大錢數更變不信向盜鑄及私挾五銖錢者

抵罪於是農商失業食貨俱廢民至涕泣市道

數音朔○釜蹄云錢貨六品銀貨二品龜貨四品貝貨五品布貨十品并銀貨中又有黃金一

品則為六名而後又改貨布貨泉每一易錢民

有二十八品也

陳氏曰布泉皆錢也以其布於民大陷

間故曰布以其流行如泉故曰泉犯鑄錢法檻車鎖項傳詣長安者以十萬數死者什六

七

檻胡覽反

改易制度政令煩多四方囂然謳吟思

漢久矣

囂與敖同眾口悲歎聲也

歲旱蝗人相食遠近兵起

莽以五石銅鑄威斗如北斗狀欲以厭勝衆兵

出入使人負之以行至漢兵入宮猶旋席隨斗

柄而坐曰天生德於予漢兵其如予何。厭音葉李奇

曰以五色藥石及銅鑄威斗長二尺五寸以其威厭羣雄故曰威斗司命負之出則前入在旁

也或曰三十斤為鈞四鈞為石斬首於漸臺軍

人分其身節解齧之自篡至亾凡十五年。漸音

音典切肉也逐節分解其體而碎切之也

班固曰王莽始起外戚折節力行以要名譽

及居位輔政勤勞國家直道而行豈所謂色

取仁而行違者也莽既不仁而有佞邪之材

又乘四父歷世之權遭漢中微國統三絕而
太后壽考為之宗主故得肆其奸慝以成篡
盜之禍及其竊位南面顛覆之勢險於桀紂
而莽晏然自謂黃虞復出也乃始恣睢奮其
威詐毒流諸夏亂延蠻貊猶未足以逞其欲
焉是以四海囂然遠近俱蹙城池不守支體
分裂自書傳所載亂臣賊子考其禍敗未有
如莽之甚者也昔秦燔詩書以立私議莽誦
六籍以文姦言同歸殊途俱用滅亡皆聖王
之驅除云爾

更始自宛遷都洛陽明年遷都長安赤眉攻之
明年赤眉入更始出奔已而降赤眉為所殺自
立至亡凡二年前數月大司馬秀已即位於河
北是為世祖光武皇帝

降音抗為所
之為去聲

司馬公曰更始雖漢宗室以懦而立考其即
位南面立朝羣臣羞愧刮席殊失人君之態
厥後委政趙萌日夜飲宴羣臣欲見言事輒
醉而不視朝是以既得之又失之矣

古今歷代標題註釋十九史略通攷卷之二





